

四庫全書

史部

欽定四庫全書

史部

浙江通志卷二百六

詳校官給事中_臣戴璐

檢討_臣德生覆勘

總校官編修_臣倉聖脉

校對官中書_臣李奎

謄錄監生_臣曹希焜

欽定四庫全書

浙江通志卷二百六

列女

五

嘉興府

平湖縣

明

沈宏妻平氏

弘治嘉興府志華亭平可奉女年十六歸沈於平湖二十一年夫卒生子甫一歲

姑亦早寡家貧儲蓄親戚憐其少勸之嫁氏泣曰女子從人惟一無二吾所以未死者以老姑弱息

耳衆知其不可奪並賢之迄能
養姑訓子詔旌其門壽八十九

胡氏二節

弘治嘉興府志胡善妻戴氏弟慶妻萬氏
善亡戴年二十二未孕育慶亡萬年二十

七生一子一女萬與戴謀曰吾二人不幸俱蚤失
天妒無出吾有此二息願如收女育之長為贅壻
庶幾生死有託戴聽之相與異室而處日夜紡績
以養姑二氏雖屢及凍餓而姑養不缺姑歿萬之
子亦死二氏益無倚困苦不堪負
白自守里人楊能疏于朝旌之

陸瀾妻宋氏

嘉興府同記瀾亡氏年二十一遺娠得
男亦亡父母曰此天欲爾改行也宋誓

死不從事舅姑撫夫幼弟不
踰禮則有司上其事表其廬

張昊妻孫氏

嘉興府同記年二十四歸張八月昊亡
誓無易志姑陸老而喪明氏事之孝敬

備至姑卒無倚乃告諸族屬還依父安編衣素食五十餘年不改其度嘉靖間奉旌

吳寬妻鄭氏

陸深玉壺阡表年十七歸寬二十八而寡手撫二孤命之耕讀逮子昂起甲科

馴致通顯甲令凡節婦有終應得旌門氏及格督學風有司具上氏聞之曰守志撫孤婦之道也已被封典敢邀再命乎命昂力辭之紡績至老不倦每歸寧舟行往返必以木綿車自隨衣破裂必補綴一布被五十年猶存每舉以示孫曾曰此阿婆嫁時物也

朱四女

嘉靖浙江通志朱炳少女年十六許姚氏未及行炳卒無子四女日夜哀思依輔寡母極

盡孝養惡少邱鍾乃其姊夫強附同居挑之不從痛哭自縊于父柩之旁

毛徵妻陸氏

萬厯嘉興府志名婷陸垣之女年十八嫁徵三年徵亡翁姑以家貧無依諷之

易志婦
即自縊

李斷女

天啓平湖縣志庠生李金女居乍浦嘉靖間倭入寇父攜之行女度不免乘間投河死提

學阮鶚立石海濱

曰李斷女死節處

陸美妻俞氏

兩浙名賢錄甫笄歸美克盡婦道嘉靖丙辰倭寇至將逼其居美適外出氏亟

渡河深不可涉美弟與僕欲援以手氏厲聲曰死即死耳手焉可執竟溺死

乍浦六烈

天啓平湖縣志嘉靖中倭陷乍城時義不受辱而死者曰童氏後所郭臣妻投池死

曰柳氏軍人暉之女曰一女二女軍人陳起女俱投井死曰沈氏軍人表之女曰周氏舍餘戴鑑妻俱投河死又其時有俞姓者匿承塵上避倭見數倭驅婦人至其家淫之有一女亦在掠中乘間觸

門門破頭
亦破而死

毛文光妻沈氏

萬歷嘉興府志
遇倭寇投水死

倪烈女

平湖縣志年十八未字嘉靖間倭寇臨城以鼓
麻纏身自誓必死倭逼之度不免紹曰以鼓

樂迎我當從若
乘間投水死

沈坪妻費氏

萬歷嘉興府志年二十一歸坪九月而
坪卒氏截髮毀面誓不易志坐卧一小

樓足不履地享年八十五又坪姪維鑠妻陶
氏維鑠妻陶氏俱年少守節稱沈氏三節云

俞乾妻張氏

萬歷嘉興府志乾前妻子女五人氏
如已出年二十四而乾亡生子二方祿

祿氏闕一室懸夫像奉祖姑同處其中時海寇入
境氏礪白刃置懷中曰脫有急以此死耳寇躡其

舟不及歲謂天實祐之苦守三十餘年卒

馬維金妻趙氏

萬歷嘉興府志趙志先女維金死氏年二十歿自盡以殉翁泣曰有孤在

盡存孤乎乃少進水漿已而姑病氏籲天燒指願以身代姑竟不起子亦歿遂不食而卒

陸貞女

萬歷嘉興府志陸應元女年十三許字嘉善孫應祥明年應祥死媒氏來議婚氏入戶剪

髮鉗不復出其孀李氏亦孀一門雙節

胡天常妻陳氏

萬歷嘉興府志年二十二而寡子方一歲或諷之嫁氏仰天慟曰我胡門

有雙節者至今誦之獨致我為失節婦我何面目見祖姑于地下乃斷髮自誓卒年六十有六

馬曙妻沈氏

萬歷嘉興府志年二十五夫亡晝夜號慟水漿不入口舅曰吾老矣不忍聞此

聲氏恐傷舅心抑情
就禮然終身無喜容

俞相妻姚氏

萬歷嘉興府志年十七歸相三年相歿
有前妻潘氏所生女撫如己女長出嫁

陳常道僅五月夫亡與
氏共勵水節詔表其門

過漆妻俞氏

萬歷嘉興府志漆卒氏年十九無子時
歲荒家食不給姑及宗族諷之再適氏

曰生為過人死為過鬼後以漆兄子
橋甫二歲紡織而哺之年八十三卒

劉濂妻馬氏

兩浙名賢錄年十六歸劉一年而寡翁
貧利其再適百計挫之志益厲嘗閉門

自經救之蘇翁陰納沈氏聘其姑誘與俱出令女
奴抱持過沈舟舟迅發氏投河不得乃呼天而號
須臾風雨晝晦疾雷擊舟欲覆沈懼乃牽舟還之
事聞于縣縣令氏別居時氏父兄繼歿無可歸假

寓一室四壁不完每雨則危坐達旦或不能具糜率三四日不食而不死年七十餘卒

沈貞女

萬歷嘉興府志沈渭女許字毛坤子將嫁而其夫浪遊不返翁憐之許以更嫁女不從夫

竟不歸遂請于父母歸毛立後守節終身

張一鵬妻趙氏

天啟平湖縣志年十六歸一鵬鵬業賈戎婚數日輒持籌淮楚間旋得瘵

疾歸病革語其姊曰吾死必嫁吾婦已復與氏訣曰吾死慎勿更嫁服賈者氏哽咽不能語自指其心與其幼兒者三一鵬死哭極哀枯子亦隨殯氏曰吾所以不先往地下者以不忍此藐孤也今子又死吾何以生為沐浴更衣自經而死

趙貞女

天啟平湖縣志許字嘉邑諸生戴裕津未婚戴歿氏脫簪裙踊歸大家營兩穴穴成闔戶

自縊母排閨救之閉口不言以指叩胃疾呼往
嘉興者三遂絕就殮如生遂合葬之事聞建坊

朱呈祥妻沈氏

平湖縣志年二十八夫亡力不能殯
飲食寢處不離棺側遇大風雨以傘

覆其上震雷則呼夫侍立其傍越三十四
年始獲葬饗殮不給冬無重衣人共哀之

蔣元瑛妻鍾氏

天啓平湖縣志嫁未決歲元瑛死每
祀其夫輒手製新衣與嫁時衣及夫

所衣舊衣雜焚之焚畧盡鄰媼咸讓之曰奈何不
為日後慮氏不答已而元瑛葬有期請于翁姑願
作新婦塚使同穴姑慰之曰兒年少那慮及此不
許亦不復請葬前夕有會葬者來氏故善治具穀
核皆出手裁夜分衆稍息
及晨啓扉則已投繯死矣

沈民表妻劉氏

天啓平湖縣志年十九而寡貧無子
母家迎歸養之氏不可有所遺亦鮮

受縮衣節食勤紡織以自活當民表死時葬事未備積二十餘年得金始克改葬有婢阿妹姓江贅婿吳良良死即不復櫛髮亦有感於氏而然也

過明堂妻陸氏

平湖縣志年二十一夫歿七終自縊死又俞王言妻馬氏劉死妻張氏沈

陸妻張氏陸定徵妻曹氏俱夫亡不食死

楊氏二節

平湖縣志過氏楊日清妻年二十八夫亡事翁育子皆出紡織年至八十餘卒媳顧

氏割股療夫夫亡三年喪畢絕粒死

朱傅妻倪氏

嘉興府志年十九適傅二載傅客死於楚有族人逼奪其志手刃自刎邑令江

環給額旌之卒年六十有二

陸鐵妻方氏

嘉興府志年二十四錢死於讐慘被焚尸氏一號幾絕教其子復讐竟以叩關

得雪人服其節義一女適金姓年十九而寡依母以苦節終

曹貞女

嘉興府志許字陸在德未嫁而在德死女年十九馳往哭誓死不歸與婢陳氏紡織自守

陳亦終身不字

俞光翼妻陸氏

舊浙江通志明末兵亂被俘不屈引頸受刃死懷有幼兒逸尸而啼夜猶

吮乳不置

錢貞女

嘉興府志錢澹女許字陳龍馭年十七遊庠未娶卒女痛哭欲奔喪以母病止後三年陳

將葬女拜堂下堅欲往父母度不可止具舟以往葬訖遂從陳主歸翁為立後以遂其志

欽定四庫全書

浙江通志
卷一百六

六

王學古妻徐氏

舊浙江通志明末避兵虹霓堰被擄不屈死時酷暑雷顏色如生

董學玘妻劉氏

嘉興府志年十六避兵鍾鎮遇兵艘於途氏躍入水學玘悲號亦赴水死

林氏二節

平湖縣志林泓妻沈氏與泓弟妻徐氏俱避兵逃竄沈被創死徐攜幼女同溺水死

又俞醒妻陸氏俞欽亮妻徐氏遇兵俞家帶同赴水死又馬二官妻楊氏兵驅之登舟投河死明晨

與馬慕南孫媳陳氏二屍浮出遂以濕衣裹葬之又趙志宋妻岳氏年僅二十餘守節弗嫁遇兵不

屈被創死宋媳陸氏亦投河死

陳銘妻戚氏

平湖縣志避難吳滙兵執其夫氏號呼出救兵曰爾從我我釋爾夫氏遂揮手

令其夫去俟去遠乃隨行至一小橋自投于水又陸弘錦妻戚氏費孟福妻馮氏與母孫氏奚允佳

妻李氏倪嗣調母陳氏程青子妻彭氏周士馨妻郭氏俱不屈投水死

楊春綠妻吳氏

平湖縣志兵以槍刺之遂斃又馮某妻陳氏石

天球妻查氏張豹烈妻俞氏張蔚如妻俞氏吳士璋女鳳姐劉學生聘妻陶氏陸麟錫聘妻陳氏俱

遇兵不屈被刺死

馬師伊妻戴氏

于韶妻王氏

懷棠妻潘氏

朱彩妻吳氏

孫官妻劉氏

孫同祖妻盛氏

孫洪範妻沈氏

馮輿妻馬氏

郭山妻陳氏

馮叔原妻沈氏

鍾鳴升妻沈氏

過橋妻陳氏

過厚妻張氏

喻欽堯妻趙氏

沈中燦妻馬氏

袁萬域妻唐氏

曹一炯妻王氏

馮三鑑母陳氏

陸基侃妻曹氏

朱家柱妻沈氏

蔡炳勳妻曹氏

孫汀妻張氏

楊悌妻褚氏

孫岳妻沈氏

陸潤黻妻林氏

毛應鑾妻沈氏

沈猶龍妻孫氏

張洪遵妻顧氏

張訥妻紀氏

陸萬陵妻吳氏

陳紫垣妻陸氏

沈弘恩妻龔氏

全官妻陸氏

宋秀妻金氏

沈瑞鑾妻陸氏

沈瑞鑾妻張氏

楊相妻潘氏

顧乃言妻馮氏

姚荃妻顧氏

徐珙妻楊氏

陸臺妻顧氏

楊日清妻過氏

鄔科妻馬氏

陳治安妻袁氏

陸嫌妻楊氏

胡濂妻沈氏

張恒吉妻馮氏

張廷明妻沈氏

喻應麟妻莫氏

張行倫妻陸氏

呂治妻屠氏

劉垣妾俞氏

陸光耀妻陳氏

張維城妻倪氏

王璽妻馬氏

劉環妻李氏

張觀吉妻沈氏

馬之驛妻張氏

馬維德妻孫氏

陸啓溶妻曾氏

沈麟徵妻徐氏

倪光道妻趙氏

趙志完妻朱氏

張宗仁妻馬氏

鍾鳴震妻姚氏

王志誠妻朱氏

陸邦俊妻蔣氏

姚文治妻陸氏

王棟妻周氏

施應期妻鍾氏

時勲妻趙氏

李文東妻沈氏

馮春暘妻陸氏

王思忠妻過氏

陳常道妻俞氏

俞二妻李氏

屠紹慶妻張氏

顧某妻薛氏

沈紹侃妻黃氏

陸大權妻馮氏

沈某妻俞氏

俞懋賢妻劉氏

俞恩光妻嚴氏

姚世直妻莫氏

沈昊麒妻洪氏 張叔峴妻朱氏

國朝

趙永吉妻施氏

題旌冊平湖人事姑以孝稱姑死永吉哭母卒氏年二十五哀毀絕粒母

暨族人勸以撫孤承祧大義乃雪涕強食鞠永吉兄子為嗣守節五十年

何士彥妻張氏

題旌冊年二十四夫亡氏撫孤奉昌成立守節四十八年 以上二氏俱

康熙四十五年具題奉旨建坊旌表

嚴訐妻劉氏

題旌冊訐氏年十八道腹生子思位值歲饑氏織一布易米數升以給僅存

四十畝又為勢奪坐是益貧日雜糠覈而食以經書口授其子苦節四十二年思位成進士官檢討

康熙五十年具題奉

旨建坊旌表

陸韜妻徐氏

題旌冊華亭人適平湖陸韜年二十六夫亡子東衡生甫週歲氏教育成立執

翁姑喪克盡孝道孀居三十六年奉

旨建坊旌表

程溥妻戴氏

題旌冊年二十六而寡絕粒三日時舅姑垂暮藐孤尚幼族戚勸以大義氏飲

泣守貞善體舅姑心孝養曲摯歿後喪葬盡禮延師課子成立

何士傑妻王氏

題旌冊結褵歲餘夫亡生女僅五十日忽死事姑姑歿獨任殯葬又為夫

營窆立嗣承祀女嫁早卒又撫其外孫守節四十餘年以上二氏俱康熙五十六年具題奉

旨建坊旌表

表

張天祺妻陸氏

題旌卅年十七歸張踰年而寡遺孤
疎生甫八月氏矢志撫孤以延一綫

孝事舅姑持家教子守節三十三年雍正三年具
題奉

旨建坊旌

表

翠金

題旌冊施德望婢也德望館于鄉家無僮僕惟
翠金侍其妻以居年及笄性貞潔雖以市易米

鹽間出戶外然不輕與人交一言鄰有狂且馬四
者艷其姿欺其室無人一夕踰垣入藏匕首至卧
所欲犯之翠金驚呼馬懼以刃翠金曰吾不怕死
罵愈厲遂遇害德望妻越窗走墜樓傷足里鄰共
獲馬四間于官按律抵罪而為翠金請旌時雍正
五年也奉

旨建坊旌

表

張渭妻金氏

題旌冊年二十八而寡遺孤甫四齡家貧賴十指以自給守節六十餘載

唐肄脩妻顧氏

題旌冊年二十歸唐趙三載夫亡無子氏矢志不移早夜操持以事舅姑

立姪徵鳳承祧及長為夫營葬曰吾事畢矣遂寢疾卒守節三十三年

方鼎鉉妻周氏

題旌冊年二十九夫亡歷六十年從不服鮮衣戴金翠首飾孝事舅姑訓

遺孤成立

何兆楠妻曹氏

題旌冊年二十九夫亡遺孤幼事翁姑以孝聞布衣茹素自甘淡泊教子

慈嚴備至

以上四氏俱雍正六年具題奉

旨建坊旌表

趙晉錫妻胡氏

題旌冊年二十六而寡撫孤雲會為娶婦又殀氏偕媳撫孫訓誨有成守

節四十四年雍正七年具題奉

旨建坊旌表

王肇基妻陳氏

題旌卅年二十三夫亡翁姑繼歿不半載疊遭死喪旁無伯叔氏傾貲以

營喪葬遺孤朝正甫數月兒兒無依卒能撫訓成立苦節五十七年雍正八年具題奉

旨建坊旌表

高軒妻王氏

題旌卅年二十四夫亡鍵戶毀容事祖姑及翁甚孝子衡稍長訓之極嚴不事

姑息後並任刑曹家聲不墜得於母教者為多守節三十二年

鮑匡衡妻吳氏

題旌卅年匡衡為庶出子幼孤育於兄結褵後授產析爨氏事庶姑盡孝

年二十一夫卒遺孤藐爾外事一聽于伯內事稟命于姑後伯氏家日落視姪不異己子獨為翁姑

營葬守節

四十年

徐國榮妻方氏

題旌冊年十八而寡遺腹生子王瑞
伶行孤苦撫至成立歷五十三載言

笑未嘗露齒事翁姑極孝年七十一卒
以上三氏俱雍正十年具題奉

旨建坊旌表

張瑋妻潘氏

題旌冊年二十九而寡布衣蔬食宴會
不與談笑未嘗見齒奉舅姑孝教子讀

書守節

三十年

陸彪勲妻張氏

題旌冊年二十二夫亡因有遺孤勉
強存活子復幼殤乃繼姪為嗣教之

成立守節四十五年
以上二氏俱雍正十一年具題奉

旨建坊旌

表

朱烈女

平湖縣志母亡居喪次其姊婿突入帷欲汚之遂自縊死今土人名其墓為阿媛塚

沈敬山妻施氏

平湖縣志農家女九歲撫于外祖沈思椿十七贅敬山六年夫歿思椿貧

且有癰疾欲氏改適不從紡織以贍久之思椿貧遂密擇富兒受聘鄰人漏洩其言氏服滴死

莊大姑

嘉興府志長山村民莊耀昌女里有不逞之徒曹大許殿宣者乘耀昌他出夜操戈入室

將強婚之姑守義不屈自經死里人為建烈女廟

徐春梅

嘉興府志曹璿婢璿夫婦相繼亡遺子女二人皆幼春梅年二十餘不嫁以撫子女自誓

僅存薄田九畝璿兄逼嫁之志益堅子女有過涕泣勸導勤苦持家為子女婚嫁畢卒年五十八

施氏三節

嘉興府志施桂徵繼室俞氏年二十九喪夫家政嚴肅年五十六而歿子明燭妻陸

氏年二十八而寡持家訓子法準于姑年六十四卒子堪妻倪氏年二十九夫亡遺孤亦早世氏以

子身撐柱施氏三世門祚藉以得延歿年七十有五

沈棻妾徐氏張氏

平湖縣志棻罹兵難各撫一子徐年三十守節至五十卒張氏二十

四守節至六十卒孫琨舉進士

顧某妻李氏

嘉興府志李用彰女及笄適顧未幾夫卒哀號欲殉母勸之不聽竟絕粒死

李載華妻徐氏

嘉興府志李與徐皆蘭谿右族轉徙當湖于歸時姑已瀕危未幾死踰年

舅明遠又死氏盡出衣飾以營殯殮載華哀毀成疾不一載又死氏時年二十飲泣撫孤踰時孤亦

殤氏拊心痛絕托其族人返葬三喪於蘭谿祖墓清明日哭奠其夫閭戶自經死

趙貞女

平湖縣志女出名族父許配高氏高起家微驟致富且曾為其外祖前馬氏愧之將嫁自

經死

陸貞女

嘉興府志許字江耀武耀武死女欲奔喪為親長所格毀粧茹素矢志守節有乞姻者女

絕粒五日乃止父母俱終歸江氏越明年疾作而逝乃合葬焉

楊貞女

嘉興府志幼許字袁御龍未婚康熙庚寅御龍卒父欲更適之女哀號誓死父知志不可

奪遂不復言女杜門斷髮水霜自矢十餘年卒之日涕泣告父請合葬袁氏子墓

陸貞氏

嘉興府志許字沈本然未婚卒女獨處小樓屏去服飾歷三十餘載不改其操善事舅姑

生養死葬皆如
禮邑令旌其門

何貞女

嘉興府志許聘錢軼千第二子未婚夫歿女
之錢氏杜門守貞四十餘年家貧紡織自給

丁貞女

嘉興府志丁元凱女少字陸沈鯤鯤為陸氏
子幼撫于沈及歿女聞訃屏去膏沐水漿不

入口數日父母許以奔喪成服乃不死遂赴鯤家
事舅姑以孝立夫兄次子時煥為後尋歸依其母
不數年父母死女
無所依哀悼而卒

曹貞女

嘉興府志許字陸氏子未婚夫歿女聞訃奔
喪既葬獨居一室足不履闕歷五十餘年同

居者未嘗覩其面其
婢為所惑亦不嫁

鮑秉寬妻程氏

嘉興府志秉寬客亡氏年二十九貧
困無以自存撫五歲孤連茹以義方

稍長卽命扶父觀歸葬後連又早世氏率媳程氏謀孫有成媳能孝事其姑常割股以療姑疾

吳貞女

嘉興府志父揖許配劉氏子未婚而父母俱亡無兄弟依叔父居家貧紡織自給劉氏子

亦因阨輕去其鄉歲久不歸迨叔父歿年幾三十劉氏子音信杳然遂至夫家事尊婢克盡婦道又念父無子力營兩世電窆以報所生年五十而卒

王某妻李氏

嘉興府志李君實女年十八適王氏子夫亡叔欲奪其志誓死不嫁戚屈希平

妻沈氏亦早寡欽氏節迎而養之沈卒其寡媳施氏承姑志奉養維謹

馬蒸妻王氏

嘉興府志結褵十八日夫亡依姑母馬王氏同守節九十餘卒御史陸炯題曰

雙節

張培源妻陸氏

嘉興府志年二十七而寡先是培源祖父相繼歿哀毀成疾氏盡出衣飾

為醫藥費終不起門單戶弱饔飧皆出自針紉事姑尤得歡心苦節三十年撫其孤成立

林文傑妻徐氏

嘉興府志年十六結褵越二載而文傑病篤囑氏曰我母三十而寡撫我

自三歲至今艱苦備嘗我死後家貧無嗣汝能代我養母我目瞑矣既卒氏苦節自矢歷三十餘年身居圭竇中笑語不聞戶外勤十指以奉姑厥後姑年八十目瞽兼患癰瘕氏扶持調護不少懈姑歿獨力營葬鄉黨稱之

陸其昫妻嚴氏

嘉興府志結褵年餘其昫死痛哭欲自刎舅姑防護遂絕粒七日而歿年

二十九時康熙乙亥正月也

曹貞女

嘉興府志曹苗斗女許字俞文漢未婚而文漢歿女聞訃欲以身殉母曲慰之乃止母病

七載奉湯藥不離母歿遂絕粒死

楊豈韓妻陸氏

嘉興府志年二十歲夫亡撫孤成立守節五十六年

徐青選妻屠氏

嘉興府志在室時孝父母于歸後孝舅姑出于至性不由勉強鄉黨以為

法

顧元錦妻張氏

陳元甫妻謝氏

馮耀叔妻徐氏

嚴從恕妻趙氏

江深源妻嚴氏

馮載揚妻周氏

沈杞楨妻鄭氏

楊景煜妻葉氏

陸元燾妻徐氏

徐旻妻張氏

戈中襄妻倪氏

沈瑞銘妻周氏

沈懋嘉妾王氏

陸壽龍妻馮氏

沈仰日妻陶氏

沈信妾

姚氏
王氏

楊玠妻沈氏

李幼炫妾徐氏

過澤洽妻時氏

劉輔後妻柯氏

胡士方妻張氏

陳天武妻姚氏

陸師朱妻沈氏

倪洵庚妻張氏

李瞻淇妻倪氏

姚弘進妻張氏

李梅菴妻曹氏

王爾榮妻吳氏

杭永靖妻蔣氏

陸潛九媳戚氏

沈景妻馬氏

陸耀佳妻沈氏

劉廣乘妻陸氏

陳璿妻俞氏

何式媳及氏

李儀妻胡氏

陸芳嶠妻沈氏

范公烈妻舒氏

馮景暘妻徐氏

吳光遠妻馮氏

倪洵甲妻鍾氏

倪洵徵妻馬氏

胡某妻倪氏

唐公瀾妻林氏

馮炳疇妻陸氏

張覲光妻施氏

孟世英妻吳氏

石嶽妻俞氏

林楓妻俞氏

徐國榮妻方氏

王叔林妻孫氏

陸英標妻馮氏

沈畿妻謝氏

沈梁妻李氏

戈洽枚妻呂氏

俞光業妻蔣氏

朱吉人妻姚氏

水叔彥妻朱氏

沈琬玉妻張氏

陸士煊妻沈氏

陸聖菴妻沈氏

馮樵妻劉氏

何遠妻趙氏

沈調陽妻屈氏

陸琳章妻俞氏

沈昌祚妻鄭氏

張昂妻陳氏

李西麓妻繆氏

毛美圖妻錢氏

張光熹妻俞氏

嚴詠妻陸氏

彭夢杞妻顧氏

陸濬默妻過氏

陸圃玉妻黃氏

金光宸妻沈氏

屠伯奇妻胡氏

胡奕謨妻倪氏

張琳妻郭氏

顧炎妻屠氏

沈夢麒妻姚氏

倪秉元妻徐氏

馮子穆妻王氏

陸清源妾夏氏

陸滿源妾張氏

屠象美妾張氏

過銘旂妻沈氏

劉生直妻俞氏

陸之美妻徐氏

沈旭妻鄭氏

魯守貞妻王氏

魯從周妻薛氏

倪三省妻王氏

倪三聘妻馬氏

楊淇園妻屠氏

金煥妻孫氏

朱之奇妻王氏

潘仁妻王氏

潘智妻沈氏

戴上恩妻周氏

陸榮妻陳氏

馮天衡妻戚氏

吳銓妻畢氏

桐鄉縣

明

濮宗誨妻劉氏

徐一夢濮節婦序梧桐鄉濮節婦年

有諷之嫁者婦曰吾素吾姑與子而事他姓他日

懼不能自全盡脫去簪珥服飾蓬髮垢面穿大布

衣治畊桑有類農家婦暴卒過其里皆不顧去奉

其姑以壽終撫遺孤至于成立

謹按弘治嘉興府志作濮貴一妻

濮彥仁妾龐氏唐氏

桐鄉縣志二氏俱有姿容洪武

不辱俱自經死

初籍濮氏家官收其產二氏義

朱原震妻方氏

弘治嘉興府志原震早世子甫八月氏孝養舅姑父憐其早寡欲強再適

氏誓死靡他洪武年表其門

夏子昭妻顧氏

弘治嘉興府志子昭早世姑繼歿氏年二十七子甫四歲紡織撫孤舅令

人喻以改適又囑其父母誘之氏以死自誓舅乃止洪武年表其門

徐宗海妻趙氏

弘治嘉興府志年二十三寡居二子在襁褓父母憐其少欲奪其志氏矢

不二天賦化年旌

高氏三節

續文獻通考李氏年十八適高逾生子熊甫期而逾亡家貧舅姑繼亡往依母居母

諭之改適輒痛絕母遂不復強熊既長娶曹氏無子為置妻陸氏甫生子熊又亡曹與陸皆勵操事

姑撫幼兩
世三節

鮑文化妻濮氏

萬歷嘉興府志年十四歸鮑夫歿年
荒無養兄欲奪其志即密縫身衣投

河而死事聞
建貞烈坊

沈氏二節

萬歷嘉興府志二蘇氏沈阜沈稷之妻為
妯娌年俱踰二十夫歿二氏同居辟蠶以

事老姑織紉以課孤
子督學勸實旌獎

胡雷妻沈氏

萬歷嘉興府志雷妻時氏無出妻沈氏
舉一子未滿月而雷與妻俱亡沈年方

十九貧苦萬狀撫孤
椿成立享年八十三

陳貞女

萬歷嘉興府志許字戴禹功年十七未婚夫
死奔喪抱尸而哭親為夫殮越三日父母促

歸市聽請於翁姑并而拜廟執婦道獨處小樓日習女工為生活計

蘇貞女

舊浙江通志許字莊大成年十四未婚夫亡夫志守節翁姑以禮迎歸拜廟受并坐卧一

室不窺戶庭者五十餘年

朱廉妻茅氏

桐鄉縣志年十八而廉病婚未成婦未幾廉歿翁姑欲奪其志勿動詎厲之飢

餓之勿動哀毀而卒或曰縊焉

劉氏二節

嘉興府志劉尚文妻孫氏嫁三載而尚文卒撫孤守規廷圭成立守規歿媳沈氏亦

年十九與姑同守俱以壽終

錢國銓妻鍾氏

嘉興府志年十七婚十八日而夫亡盡出笥巾色服裂而焚之安貧守節

張冲吾妻周氏

嘉興府志年四歲許婚父母卒育於外祖家以張貧更許他姓將婚奔歸

抱父木主啼曰父命許張奈何以貧廢命挾利刃訴之官官為動容卒全初約人稱之曰貞孝

鍾鴻是妻高氏

嘉興府志年十九夫卒誓不獨生姑再三慰勉服未闋絕粒死

陸堯煥妻張氏

桐鄉縣志父珮海寧人賈於桐之青鎮年五十無子止一女配陸堯煥結

襁六日珮遊楚越十有四日堯煥亡女整服躍入湖鄰人救之免逾年父又死于楚女得確耗即投

繯死死之日胃繫繡囊刻檀為大像藏其中

謹按張氏錢塘志補作錢塘人

朱應宿妻楊氏

馮倫妻張氏

曹元甫妻朱氏

曹太寧妻歸氏 沈繼志妻李氏 徐淶妻祁氏

陳敏才妻施氏 張承寵妻唐氏 朱一豹妻張氏

曹士英妻劉氏 倪大緯妻朱氏 夏勲妻趙氏

夏樞妻許氏 費可學妻張氏 莊學賢妻章氏

夏尚賢妻孫氏 周滂妻劉氏 陳朴妻錢氏

夏觀妾宋氏 朱哀妻李氏 方以規妻沈氏

鄭振先妻沈氏 姚國柱妻沈氏 仲應鸞妻徐氏

周冕妻錢氏 祈璐華妻陸氏 周思誠妻曹氏

陳九韶妻徐氏 錢維垣妻沈氏 錢綏猷妻朱氏

黃廷龍妻鍾氏 顏瑄妻金氏 沈錡妻李氏

孔邇妻張氏 張夢麟妻沈氏 李麒妻周氏

潘景暘妻顏氏 胡瞻岷妻陸氏

國朝

顧季繁

舊浙江通志幼通書史事母至孝許字張九彰未婚夫亡悲號欲殉兄時新日夜守之祖

母死其翁來唁家人咸在喪次季繁遽閉戶自經衣裳俱紉結不可解檢其筭得絕命詞數篇翁目擊心傷迎其柩與夫合厝焉時年二十一康熙十一年奉

旨建坊旌

表

莊洪譽妻郁氏

舊浙江通志婚七月夫亡水霜自矢

撫姪基澧為後苦節四十餘年康熙十七年奉

旨建坊旌表

許煥姑

題旌冊農人許騰宇女幼有志操不與羣兒為伍年十四採豆田間鄰有惡少張麟兆欲

私之力拒得脫歸告其母曰兒幾為人所辱遂自經死時康熙三十九年也明年麟兆論死奉

旨建坊旌

表

徐文彥妻嚴氏

題旌冊年十八適徐甫一載夫亡遺腹生一子艱苦撫育有成事舅孝康

旨建坊旌表

熙四十三年具題奉

吳啟祿妻邢氏

題旌冊年二十四而寡事姑盡孝訓子極嚴姑歿即舉舅姑及夫柩卜葬

於廬側曰未亡人庶得與先人魂魄相依也

周晟妻沈氏

題旌冊年十九適周甫三載夫亡守節二十九載事舅姑撫孤婦道母儀人咸

稱之

沈中棟妻馮氏

題旌冊年二十九夫亡孝事舅姑撫訓二子成立守節二十年以上三

氏俱雍正三年具題奉旨建坊旌表

朱通理妻沈氏

題旌冊適朱四載夫亡時年二十七子登峯尚幼前氏所出也氏撫訓備

至舅姑年老生養死葬無失禮雍正六年具題奉旨建坊旌表

陳尚達妻柏氏

題旌冊年二十九而寡生子纔四月氏斷一指殉夫棺中留身以養舅姑

撫孤子閉戶紡織

守節十六年卒

鍾大鏞妻高氏

題旌冊年二十九而寡姑歿無子氏勸翁續娶生二子甫離襁褓翁與後

姑相繼亡氏撫育二叔長為婚配鍾氏之緒賴以不絕守節三十一年

周元輿妻唐氏

題旌冊年二十二而寡無子撫姪為嗣守節三十八年以上三氏俱雍

正七年具題奉

旨建坊旌表

魏漢飛妻潘氏

題旌冊年十九夫亡所親以無子勸其也適氏誓死不從勸紡織以養邁

姑撫嗣子守節

三十九年而卒

魏閨妻夏氏

題旌冊年十八結褵半載夫亡七年之內翁與嫡姑生姑皆相繼歿四棺在室

貧不能哀事氏力勤織紉苦積四十年始克舉葬守節四十七年 以上二氏俱雍正九年具題奉

旨建坊旌表

董大銘妻沈氏

部咨案驗大銘與徐茂華居相近遭茂華錢米未償茂華來索值大銘外

出見沈氏獨處欲污之氏號叫不從抓傷氏臂而去氏不甘辱遂自縊茂華依律究擬氏節烈捐軀

雍正十一年奉

旨建坊旌表

朱元佐妾錢氏

題旌冊年二十二夫亡一子在襁褓遺腹又生一子事嫡甚謹嫡亡嫡長

子復歿遺二孫氏俱撫教成立守節四十四年

夏景賢妻顧氏

題旌冊父機早歿女張氏寡時年十九氏居家孝安于歸後孝事舅姑夫

卒氏年二十九撫子江福長為娶婦有孫五人守節三十年以上二氏俱雍正十二年具題奉

旨建坊旌表

姚應鶴妻金氏

桐鄉縣志應鶴墟頭鎮冶工也應鶴亡衆逼氏嫁氏投繯鄰嫗解之得免

匿母家衆復威脅如故氏抱弟哭曰奈何以未亡身累弟且歸作計耳歸則娶船已泊河下因乞靈前一別衆許之入室將周身衣服用線縫紉而出捐棺長慟至橋投河抱橋柱而死時順治丙戌六

月也

鍾鴻妻高氏

桐鄉縣志年十九鴻卒誓死姑再三慰勉乃於終喪絕粒死

歸慧卿妻王氏

桐鄉縣志年二十一無子慧卿死次日氏即投繯柩側二棺並殯觀者皆

泣

下

張惜惜

舊浙江通志張乾之女五歲喪母無兄弟父女相依十載父得痼疾惜惜侍湯藥甚謹父

病篤目不交睫者逾月度父病必不起恐以已貽父憂預為父整衣裳告其父不食先父死又具數日廩以遺父越三日其父死友人葬于其先塋而以女殉其旁

鄭引漁妻徐氏

舊浙江通志年十六歸引漁引漁以家疾氏勤女工以養及疾為引漁以家

貧無子囑令改適氏號泣不許既卒父母哀其無依微諷之即嚴粧服毒以殞年二十有八

徐浣妻嚴氏

嘉興府志浣病革以氏無子令他適氏年二十二矢志自守正室丁氏病奉侍

湯藥扶掖卧起數年不倦及丁歿盡出所有
營葬兩棺即絕粒七日而死時年二十五

曹氏二節

嘉興府志曹鏡妻張氏年二十四夫歿遺
孤天御弱冠而死媳沈氏年二十亦寡姑

念家貧無後令改適沈死
不去守志奉姑里稱雙節

楊氏二節

嘉興府志楊思樓妻孫氏年二十五喪夫
撫孤成立矢志永霜歷五十七年次子元

章早逝妻徐氏年二十六撫五月遺
孤孝事兩世歷四十年人稱雙節

沈二姑

嘉興府志許同邑姚濂未婚濂亡二姑聞訃
過門以伯舅立嗣守喪三年除服吞錢絕粒

而死

桂某妻吳氏

嘉興府志桂育奇之媳于歸未匝月夫
亡號慟幾絕姑慰之曰吾子不幸而死

汝又死吾將誰依由是勉進粥糜勤紡織以奉其姑十餘年姑卒或言婦無依可更適人氏曰吾所以不死者為姑在耳姑既葬未亡人之事畢矣遂自縊死

張氏二節

嘉興府志皇甫氏張鴻奇妻婚甫兩月夫死哀毀致損一目小祥後竟絕粒死鴻奇

弟鴻來妻戴氏未廟見而寡一慟幾絕家人以應後者後之戴稍慰撫育數歲復殤遂投繯自殺陸

國圻為雙節傳

張嘉瑾妻王氏

嘉興府志瑾歿設像于樓中事之如生撫遺孤甚摯未幾孤亦卒氏遂自

死經

錢貞女

嘉興府志許字青鎮周冕未婚冕卒女年十六守節父家至七旬終

沈貞女

嘉興府志沈沈友夔女字姚又吟未婚又吟卒沈至殯所哭之居三載不露言笑服闋哀號

竟日自經死

沈貞女

嘉興府志許字范戀未婚守志族人為立嗣

朱邦社妻陸氏

嘉興府志年二十九夫卒奉孀姑孝姑畏寒氏以腹暖其足姑時禱于家

廟額子孫賢孝以報婦氏後年八十六卒室有異香人傳其異

馮秉鈞妻凌氏

公舉事實年二十二而夫卒氏即于是日絕粒至十二日而死

徐幹妻倪氏

公舉事實年二十六而寡遺孤二長曰銘次曰鎬俱幼其夫之叔徐自天逼之

嫁氏恚恨投河以救免銘長教之讀書補弟子員鎬長督之耕家亦稍裕守節四十六年

胡瞻岵妻陸氏

張王道妻陳氏

張王謨妻吳氏

周王涵妻徐氏

沈子才妻濮氏

嚴受卿妻錢氏

沈立方妻朱氏

錢五卿妻孔氏

毛冲宇妻陳氏

王某妻馮氏

錢濟明妻胡氏

徐文元妻嚴氏

父尊五妻施氏

歸泰初妻張氏

濮景臺妻沈氏

任時康妻許氏

夏長春妻錢氏

錢遜志妻顧氏

朱際斯妻沈氏

王錫恩妻曹氏

王陳德妻裴氏

周櫟妻范氏

張德載妻王氏

周桐妻詹氏

姚國樞妻馮氏

錢豐妻李氏

黃谷宸妻江氏

沈肇新妾施氏

濮泮妻呂氏

莊思永妻沈氏

沈之標妻馮氏

顏統妻屠氏

沈方岳妻項氏

鍾鼎銓妻曹氏

沈焯妻濮氏

胡吉孚妻楊氏

施立山妻張氏

曹煥石妻王氏

沈培元妻馬氏

鍾朱鼎妻莊氏

沈東來妻沈氏

陳偉公妻孫氏

鍾金爵妻仰氏

卞景宗妻范氏

方奇妻潘氏

張弘烈妻王氏

陸德章妻夏氏

陸邃良妻黃氏

蔣國祺妻張氏

鈕斗樞妻沈氏

沈鑲妻朱氏

夏友龍妻沈氏

沈毓馨妻胡氏

譚三台妻褚氏

王邦鼎妻張氏

陳進卿妻朱氏

蔣渭飛妻潘氏

陳延緒妻孫氏

唐彥陞妻徐氏

何士俊妻顏氏

張錡妻吳氏

祁定鉉妻高氏

唐贊玉妻嚴氏

父瑞羽妻張氏

父聖岐妻胡氏

錢作楫妻顏氏

湯大曾妻管氏

顏鼎亨妾張氏

錢濟之妻夏氏

費文光妻沈氏

周暄妻曹氏

蔡昇猷妻施氏

顏祐妻沈氏

馮開儀妻李氏

唐曾驛妻錢氏

唐廷煜妻朱氏

吳羽階妻盛氏

沈孟華妻俞氏

陸文鉞妻朱氏

鈕興周妻張氏

周世明妻岳氏

祁定樞妻沈氏

夏士燾妻張氏

周永懷妻陳氏

徐允修妻汪氏

莊綵巖妻凌氏

湖州府

烏程縣

漢

孔氏婦

西吳里語少寡有子八人婦能訓讀書哀帝時俱為郡守

南北朝

羊孝女

南史本傳羊緝之女佩任者烏程人隨母還舅氏母亡晝夜號哭不飲食三日而亡鄉里

號曰女表

乘公濟妻姚氏

南齊書孝義傳建武三年吳興乘公濟妻姚氏生二男而公濟及兄公願

乾伯並卒各有一子欣之天保姚養育之賣田宅為娶婦自與二男寄止鄰家明帝詔為其二子婚

表門閭復徭役

宋

趙碧瀾二妾

輟耕錄吳興趙碧瀾宗室也老而益貧二妾方少文慮無以安其心因遣之

去歲弟肯嫁數獻肴酒致殷勤馬既而覆諸水曰慎毋再見昔吾割情去爾爾弗我忘祇攪我心耳既而各與父母俱至泣而言曰妾家每歲請給足可養瞻願執事終身為尼以報丰恩遂復留之他日碧瀾死果如所言碧瀾有寡女復資育之

元

金某妻吳氏

崇禎烏程縣志至正丙申湖州郡被兵氏夫他往獨與子居兵掠人婦氏度不免

投池
中死

楊某妻吳氏

西吳里語年二十五有殊色至正丙申八月明兵逼城氏攜二子潛投茗水而

死及城破人見其母
子並浮水面不相離

邵某妻沈氏

徐顯沈烈婦傳吳興千湮沈氏者同里
邵氏婦也夫為軍士所害氏有殊色塲

置快船上溪流迅急乘間躍身投水中船去疾意
其已沒不復顧適張掾舟過見髮被水面救之置
後艙內使守視之其下喻之曰張掾今貴人汝能
事之且得幸勿憂也氏謝曰幸諸君見憐欲活我
吾見吾夫被創甚吾心已許之恨不及生時使之
見也且張君亦安用失節婦人哉遂噤不復言度
勢不可出視其旁有竹箸一束夜二鼓即以箸納
口中而力觸舟箸入喉以死明日張為殮而焚之

邱巖妻盛氏

童冀邱烈婦傳事舅姑以孝謹稱元季
寇盜充斥巖挈家避地近郊盛及巖二

妹俱有容色時游軍肆掠村落間盛謂二妹曰時
事如此勢必不免與其辱身生曷若全節死即赴

水沒巖二妹繼之卹母驚遽亦墮於水巖亟扶登岍兵亦繼至咸愕貽驚歎遂捨之而去

明

潘順妻徐氏

西吳里語字守貞徐宗文女年十六嫁順未一年順病革顧徐曰我母老汝年

少可奈何徐泣下即引刀斷左手小指以死誓夫死布衣長齋終身未姑甚孝景泰四年卒年七十

八臨死命其弟取所斷指置棺中及出其指染鳳仙花紅色猶在焉

錢欽妻茅氏

壽海岡編賊犯烏鎮氏與姑引舟猝遇之賊業已擄姑并欲及婦婦時懷孕九

月入攜一幼男隨舟中呼曰吾母子三人俱死矣即手抱男沈河而死賊憤之復抽刀剖其腹御史疏其事於朝勅為立祠

王士文妻李氏

崇禎烏程縣志名妙金臨洮人烏程王士大謫戍臨洮娶之生子琮未滿

月夫從西征而臨洮兵亂李氏負琮匿山谷備歷艱苦士文後役金陵卒李方二十七誓不再嫁會

夫兄至迎歸謝膏沐齋素以終

錢煌妻趙氏

崇禎烏程縣志煌歿氏年二十四饑粥不充兼值倭寇氏與二孤焚守以蠶績

自將親授兩孤句讀皆得入泮後相繼淪亡僅存冢孫教育甚篤年七十六卒

潘錦妻楊氏

崇禎烏程縣志少膝子錦錦無子私之而有娘其嫡備極筆楚從無怨言未幾

錦死嫡欲嫁之氏剪髮自誓嫡亦為之改容後姑與嫡相繼逝子八歲氏裙土蓋葬自二十歲守制

至七十三歲而終

匡霞妻汪氏

崇禎烏程縣志汪文女嫁踰歲而夫卒無子獨與姑俱族有奪其夫遺產常之

者氏不與爭父憐而召歸氏以姑辭遂并迎姑獨任組紉以衣食之姑卒持喪畢謂父曰吾事畢矣

遂絕食以終錫山高攀龍作贊

吳宗魯妻周氏

崇禎烏程縣志氏為婦三年舉一女未彌月夫亡氏悉焚綺麗孝事嫡庶

二姑擇從子士望為後
三學公舉歲給粟帛

吳慎樞妻楊氏

崇禎烏程縣志樞卒于京氏年二十生一子甫週歲聞訃擲子于地而

絕姑救之蘇曰夫死我義不獨生乃泣謂叔機曰願好收此兒服金就斃蕭憲使表曰名門完節

紀貞女

董斯張貞女傳許字金來聘來聘死女母適病訃至女請往哭母曰必吾死乃可居頃之

母死女殯殮如禮卒哭不卜日遂行及門下車拜
柩號慟幾絕趨登樓闔門閉影終歲不出事姑孝
姑忽惑巫者言謂姑不利于家尊適遣小疾便以
為婦祆則大恚姑有甥齒與女若也強婦使子之
對曰伯氏有子在其外焉求執勿聽姑自是益恚
日加痛詈至裁其服食時不免凍餒女第忍之卒
不為言既歿鄉人私謚曰貞慤萬歷己酉旌其門
曰貞女坊女故將一婢自隨事女甚謹遣之嫁勿
應迨女歿落髮為尼

邵應元妻王氏

崇禎烏程縣志應元卒氏年十七孤
光祖甫半歲衆利其貧議改嫁以蔑

其孤氏斷髮誓心撫孤成
立郡邑賜粟帛以旌之

嚴烈婦

崇禎烏程縣志寡人陸某妻陸傭而力不任
苦無以給氏貌甚莊妍事姑以禮而姑頑很

百計挂辱里中惡少闕姑隙欲私之姑微露其意氏垢面毀容以免姑日夜拷掠氏夜半赴水死

沈文珂妻錢氏

崇禎烏程縣志年二十三而文珂卒父母憐其貧勤再適氏誓死不從時

三孤在抱翁姑在堂氏日事紡織以給養殯姑亡翁續娶又相繼逝氏歷四喪撫三子年七十九卒

吳宇華妻蕭氏

崇禎烏程縣志年十九夫亡親戚以年少無子翁老姑繼赤貧難守為言

氏以死自誓朝夕針指食力事生葬死守節六十年

錢惟墉妻沈氏

崇禎烏程縣志墉卒氏年二十三姑老酷貧無子撫成孤姪文銘母家頗溫飽

絕不歸寧年

七十五卒

鄭貞女

崇禎烏程縣志鄭富女許字包守信未婚而守信亡聞訃奔喪服闋火燬其廬更無棲止

歸父家守喪其兄丈煥又亡嫂孫氏年二十二孤
兒半歲姑嫂同心矢志歷諸艱苦知縣給粟帛扁
額以旌之

楊氏三節

崇禎烏程縣志沈氏楊禎妻禎亡無子氏
年二十有五依堂叔楊祉楊稜同居祉與

稜亦相繼早世祉妻趙氏稜妻高氏年二十餘各
撫一幼子俱食貧矢志不二沈趙各年七十餘高

氏年六
十三卒

陳汝純妻丁氏

烏程縣志汝純早亡氏年二十四遭
腹止三月翁姑繼歿家業蕩然依父

歷六十九歲而歿子王前以
明經司教後封廣東參議

陳觀耀妻汪氏

烏程縣志年二十夫亡無子其族勸
他適不從紡績膳姑朝夕同寢處苦

節四十

六載

潘應登妻施氏

舊浙江通志年二十一夫亡子歿姑老病目氏朝夕砥之目忽開日績絲

成紬壽

八十一

閔曼容妻陳氏

舊浙江通志年十六適曼容家貧出資飾以奉孀姑助夫膏火四載夫亡

無子紡織守志五十三年凌忠介義渠為作閔節婦詩

潘國禎妻沈氏

烏程縣志年十六歸潘兩載夫亡遺孤甫週歲家貧戚屬逼他適氏矢志

不奪養舅姑教

子卒年六十四

嚴爾元妻沈氏

烏程縣志年十九歸嚴二年夫卒局戶自經元

汪逢源妻邱氏

舊浙江通志年二十適汪逾年夫亡念翁姑老無子孝事愈謹後遇寇亂

局戶
自縊

潘汝升妻趙氏

烏程縣志汝升避亂居潘店遇寇殺之并掠趙氏氏奪刃自刎

溫九思妻陸氏

靜居志詩話溫璜之母璜少孤母氏鞠之破屋一間無帷帳姑病且餓同

生卧一板箱種火煨粥以為食教子讀書姑卒哀毀如子天啓七年詔旌節孝又一十八年璜成進士

溫璜妻茅氏

韓襄溫實忠傳璜授徽州司李兵至呼茅氏與訣因繞屋走茅曰得毋以妾與

女存乎時女方寢茅促之起女曰何為曰死爾女延頸無懼色茅手結悅授璜對拽女仆地死茅卧

呼曰我璜刃未殊茅猶出一聲曰再刃我璜乃復裁遂絕

仲烈女

明列女傳湖州人隨父賈漢陽崇禎中漢陽陷從庠婦將出城守門者止之有頃賊大肆

掠見女美首執之女髻面被髮大罵賊命二賊挾之上馬連墜傷額不肯行賊露刃迫之曰身往何如頭往女曰頭佳善遂被害

劉德茂妻何氏

錢勝妻陳氏

陳經妻閔氏

王文妻唐氏

陸鎮妻嚴氏

潘濬妻黃氏

潘應宿妾吳氏

潘霞妻陳氏

方京妻王氏

潘銖妻閔氏

潘景生妻沈氏

潘名卿妻吳氏

范某妻朱氏

許桂元妻蔣氏

董嗣昭妻李氏

姜鯢妻徐氏

邱如岳妻吳氏

汪塤妻張氏

慎應元妻陸氏

莊日強妻蔣氏

嚴用中妻卜氏

王師妻張氏

金應元妻沈氏

朱光允妻臧氏

潘震陽妻閔氏

潘睿臨妻慎氏

潘國琯妻金氏

潘鍾陽妻溫氏

馮景新妻周氏

潘應霖妻張氏

潘樗妻陸氏

嚴賡芳妻吳氏

錢士俊妻陸氏

潘弘維妻施氏

陸敏材妻沈氏

張士貞妻趙氏

國朝

董廷勛妻顧氏

烏程縣志年二十七夫死守節教子
義方奉

旨建坊旌

表

嚴麒姑

題旌冊許字盛世瑞世瑞卒許至麒姑即登樓自縊家人故旌徐曰吾已為盛氏鬼得至

死所一面足矣父有難色遂吞金珥以示必死乃許之從容禮祖廟辭母氏與父偕往至則世瑞已殯麒姑登堂拜舅姑卑即易服撫柩哀慟立伯氏子宣和為嗣曰吾乃可見亡人于地下矣遂絕粒

旨建坊旌表

吞磁而逝時年十八康熙二十四年具題奉

韋全緯妻吳氏

題旌冊年二十二而寡守志四十餘年康熙二十七年具題奉

旨建坊旌表

表

沈文然妻溫氏

題旌冊文然坐兄事當徙邊時未偕也氏父母乃贅文然于家方有娠而

文然行生子名琬文然卒徙所兩家貧甚氏迎治然繼母生母奉養之歲飢潛屑大豆當餐而別治

兩姑之饌如豐稔時恒涕泣教琬琬受教好學有文氏寡時年二十一卒年五十三康熙三十九年

具題奉

旨建坊旌表

張茂權妻周氏

題旌冊年二十五夫亡撫孤守節五十餘年康熙五十年具題奉

旨建坊旌表

表

費之圻妻沈氏

題旌冊年二十五夫亡守節五十四年

董冠麟妻費氏

題旌冊年二十夫亡守節四十年

潘貞女

題旌冊許字舉人程嘉和未婚夫亡女年十九聞許奔喪守志終身以上三氏俱康熙

旨建坊旌表
五十九年具題奉

陳雲來妻鄭氏

題旌冊年二十六而寡守節四十餘年

陳廣心妻沈氏

題旌冊年二十八而寡遺孤祿祿教之成立守節三十四年

徐起淵妻姚氏

題旌冊年十八夫亡撫孤守節五十餘年

陳奕蔭妻曹氏

題旌冊年二十八夫亡無子奉孀姑守節四十年

張全雯妻陳氏

題旌冊年二十一而寡遺腹生子教以義方守節三十六年

陳光述妾吳氏

題旌冊年二十三夫亡無子撫猶子子英為子守節四十六年以上六氏俱

雍正四年具題奉

旨建坊旌表

沈學菴妻馮氏

題旌冊年二十七而寡守節三十四年

戴泓妻吳氏

題旌冊年二十八而寡守節二十七年以上二氏俱雍正五年具題奉

旨建坊旌表

姚煥章妻邵氏

題旌冊年二十夫亡撫遺孤長為娶婦孤又卒乃與媳苦守歷三十八年

雍正七年具題奉

旨建坊旌表

陳雪川妻孫氏

題旌冊年二十二夫亡遺子女各一撫教成立守節三十年雍正八年具

題奉

旨建坊旌表

陳萬舞妻戴氏

題旌卅年二十而寡無子欲以死殉翁姑父母救護得免後伯叔俱單傳

無可繼者乃立從姪為後撫如已出
力勤機杼寒暑不輟守節三十二年

范鴻培妻錢氏

題旌卅年二十九而寡事舅姑孝撫孤守節四十六年

凌鰲妻吳氏

題旌卅年二十九而寡事舅姑孝姑多病氏善承意旨撫子成立守節二十七

年

董村妻嚴氏

題旌卅年十九而寡遺一女甫匝月立姪為嗣又族氏先葬舅姑既又葬夫心

力交瘁守節
六十一年

沈金玉妻李氏

題旌冊年二十四而寡事姑孝姑歿喪葬盡禮撫教三歲子濬長為諸生

守節二十六年

以上五氏俱雍正五年具題奉

旨建坊旌表

方錫嘉妻鍾氏

題旌冊年二十七夫亡一子二齡一子方在孕乃忍死撫孤後俱策勵成

名性甘淡泊居家節儉至喪祭婚嫁必竭履盡禮守節二十九年

閔雲祁妻龐氏

題旌冊年二十五而夫亡翁姑歿出衣飾以營葬事生子痘殤撫姪為嗣

教誨成人中年喪明夫葬時猶匍匐窆所哀號僻踣如初喪守節四十五年

朱玠妻張氏

題旌冊年二十四夫亡孀姑在堂上有祖翁兩世孝養引為己責祖翁壽逾九

十姑亦年近八旬生則承歡死則喪葬撫前妻子如己出諸孫皆已入泮守節二十六年

張濬妻姚氏

題旌冊年二十六夫亡欲以身殉姑諭以撫孤大義乃止後孤旋殤仍不欲生

姑曰何如為夫立嗣乃以嫡姪承祧顧復思勤無異已出姑喪哀感行路守節四十四年

潘惟修妻沈氏

題旌冊年二十九而夫亡事姑曲盡孝養遺孤二教育成立性勤儉機杼

聲中夜不輟守節四十年

楊龍光妻沈氏

題旌冊年二十四而夫亡孀姑在堂適遇歉歲菽水罔缺而自以糠粃樹

皮充餵姑殯百計艱辛以營喪葬所生一子并前妻所遺子撫育如一俾力農桑以餬口守節三十

七年

陳禹恭妻朱氏

題旌冊夫酷貧贅於氏家年二十二禹恭卒氏以翁姑在堂有缺孝養泣

請于父擇吉歸因竭力以奉二人姑年至八十而終括据營葬躬親負土以姪為嗣守節三十一年

以上七氏俱雍正十一年具題奉旨建坊旌表

莊明揚妻潘氏

題旌冊年二十六歸明揚八載明揚卒氏治殮之後即吞金不死絕食又

不死姑嫂勸之氏翻然曰夫死吾死必矣所恨者父母歿而無兄弟我死誰營寔事乃復飲食出簪珥衣服鬻之以卜葬其父母歸拜夫靈前見姑姪強為歡笑俟夜靜闔戶自經死時年三十四

潘濬發妻閔氏

題旌冊年十七結褵生二子夫遊學京師溺死表浦氏年二十九事孀姑

撫幼子守節一十八年卒

宋祖郊妻潘氏

題旌冊年二十五夫亡無子欲以身殉舅姑諭之始止後叔生子氏即告

舅姑撫之稍長延師訓課
俾得成立守節二十七年

周啓明妻張氏

題旌母年二十四夫亡舅姑賴氏十
指供菽水二十餘年以壽終子稍長

令習一技子亦誠實勤儉僅免飢寒守節六十一
年 以上四氏俱雍正十二年具題奉

旨建坊旌
表

王鼎繼妻吳氏

題旌母年二十二結褵閱一載鼎亡
前室遺一子甫五歲舅姑病氏奉湯

藥衣不解帶舅姑相繼歿拮据棺殮室如懸磬子
長娶婦生一孫媳亡復為續娶不逾年又亡撫遺

孫茶苦倍至守
節三十二年

沈廷標妻吳氏

題旌母年十九夫亡遺一子殤以族
姪為嗣事舅姑生養死葬無失禮守

節二十
八年

凌美在妻施氏

題旌冊年二十九夫亡子幼事舅孝謹有小園半畝親植果蔬以為養守

節三十
六年

汪璧妻沈氏

題旌冊年十九適璧二十一而寡姑老子甫晬氏閨門嚴肅言笑不苟事姑孝

姑歿喪葬盡禮延師訓子弱冠遊庠守節三十三年

潘蘭發妻陳氏

題旌冊蘭發患瘵疾氏脫簪珥訪名醫治之終不痊疾篤語氏曰吾母在

堂事之當如吾生時以兄次子為嗣時氏年二十八後竟能不負夫言守節四十四年

蔣渭飛妻潘氏

題旌冊年二十一適蔣甫九月而寡舅姑老而病家貧甚氏紡織以供湯

藥及卒殯葬諸費竭屨經營撫族姪為子殤又撫族孫為嗣守節四十二年

金貞女

題旌冊金啓周女年二十許字孫朝賢未婚而朝賢卒女年二十三聞訃易服奔喪夫弟

生子即鞠育為嗣夫弟夫婦亡遺孤氏俱撫之父母止一弟早歿無依氏迎養于家以壽終守貞二十

十八 以上七氏俱雍正十三年奏聞候

旌表

沈杰妻張氏

舊浙江通志年二十九杰卒有欲奪其志者氏日夜懷刃自衛強暴畏之不敢

犯兵變流離孑身撫兩孤既居廡下依親故以終

張伯慶妻沈氏

烏程縣志順治九年有姜汝成以索負為名值伯慶他出逼奸不從自縊

死

沈秀姑

烏程縣志馬溪沈染女許字丁彥昭未歸而
彥昭亡秀姑聞訃即生卧一小榻足不踰閭

期年父母欲改字秀姑偵知之閉戶投繯而
死康熙十五年巡撫給扁旌曰閨秀永操

沈宗甫妻陳氏

烏程縣志宗甫死氏年二十侍病姑
在牀十餘年久而彌篤遺孤汝思止

兩歲撫之成立同堂妯娌溫氏沈與京妻年
年二十二而孀且無嗣與陳苦節同

夏開衡妻姚氏

沈近思夏烈婦傳年二十三歸開衡
四年生子女各一開衡成進士官翰

林氏留家侍舅姑歲庚子子痘殤氏念夫年踰三
十似續尚虛竭愛置妾攜幼女同至京抵寓一日
而女殤開衡亦疾作醫藥罔效瀕死屢顧氏哽咽
氏泣曰果有不諱吾誓不獨生開衡領之而逝氏

視險後閉戶投繯以救免既而瞿然曰吾死如靈柩何因勉營歸計扶櫬而南嫡媵相依呼號淒切隣舟聞者咸謂不減范杞梁妻過淮之日以衣飾質錢市白紵手縫命服至姑蘇買命婦冠擬送柩至墓以殉無何停柩蕭寺念非死所遂返故廬入拜舅訣曰新婦夫亡無子只有一死耳舅命以叔子為嗣答曰叔子為嗣誠善然長養成立惟叔是賴未亡人何能為舅知不能止第令家人守之氏俟衆寢自縊為僕婦解救次早乘靈筵朝奠左右無人服命服戴命冠自縊而死

張翼妻戴氏

吳興張烈婦徵詩引翼為張韜側室子最少而韜老絕愛憐之為聘烏程王某女為

婦以翼託某妻以貴為置產焉後韜卒翼長婚不數年王女歿翼續娶戴浩女于歸三年王某之子性鷙而貪欲吞其產誘翼至家勒令作奴札不從毆之垂斃擠龍溪水中戴在家心動趣人往求之昇歸已不

能語但瞠目視戴戴泣曰君如不諱我一弱女子勢不能為君復仇且無子當以死從隨噓一指自誓越七日翼死戴氏絕粒服滿家人解之不死既而碎磁屑吞之作楚萬狀又不死詰旦引刀自裁頸已傷救之又不死後十七日乘間自經帶間得絕命詩三章時年二十一

費景燮妻張氏 費天璣妻沈氏 張帆妻沈氏

丁夢嵩妻蔣氏 沈嶰妻王氏 茅允廉妻溫氏

凌義業妻陸氏 嚴翀妻沈氏 沈撫蒸妻徐氏

浙江通志卷二百六

欽定四庫全書

浙江通志卷二百七

列女六

湖州府

歸安縣

元

孟之縉妻趙氏

兩浙名賢錄名妙忠之縉卒後以補蔭事撫子淳至京有近臣悅其色請

於世祖欲委禽焉使者傳旨到門趙曰妾寡婦請於簾內受旨既而出見使者則難髮毀容矣使者

大驚上其

事乃已

洪春春

靜志居詩話洪德源女至正十八年兵亂父引之避居新市賊至匿空舍中賊入將逼之

女投
水死

明

卞文銘妻張氏

弘治湖州府志夫早卒父母憫其年少子幼諷之改嫁氏入閨良久而出

則髮皆剪矣
正統間旌表

林文妻王氏

張寧林節婦詩卷序吳興王景賢之女年十九適林方九日而林以事死于官

節婦不再從木幾其姊亦以孀居願守家法迄三十餘年所志無愧里人歌詠之久而成卷題其首

曰無
價珍

施敏妻王氏

歸安縣志敏客湖湘遇盜死氏于是夕

問至時年甫二十餘毀容
屏守婢亦感化終身奉之

陳敏八妻倪氏

西吳里語許字未婚而敏八從征不
返傳聞已死氏守志不嫁踰五十載

敏八歸還成姻禮時氏年六十
一陳年六十八時號白頭花燭

張貞女

歸有光張女貞節記張弘裕女許聘烏程嚴
大臨大臨疾甚將死女聞閉門悉歛平時所

製女工及裝送衣物焚之家人驚問女曰吾已無
用此矣語聞嚴氏姑遣嫗往覘之女私謂嫗曰病
不可為當歸汝家沒吾世而已舅姑感動遣人往
迎父母難之大臨卒張氏往哭遂居次不遷是時

女年十九因為置嗣及長娶婦而嗣子亦卒遂婦姑相守以終

嚴四英

葦海岡編桂林知府鳳之從女寇入鄉傷其父據四英以行至跳街橋四英投水溺焉山

陰徐涓為之立傳

蔣衍章妻陸氏

舊浙江通志年十六未嫁聞夫疾罵遂往奉侍湯藥甫三日而夫卒堅守

六十餘年萬歷中具題建坊

嚴正度妻施氏

歸安縣志早嫗勵志里中有無行者隔垣窺之施大聲疾呼遍告宗黨自

刎死時方炎暑越三日始殮顏色如生郡守陳幼學遣官致祭

張氏三節

歸安縣志徐氏張問仁妻年二十二夫亡無子守節三十二年周氏張存義妻年二

十夫亡無子守節三十年黃氏張體信妻年十八夫亡無子守節三十年藩司表其盛曰一門三節

潘翊卿妻沈氏

歸安縣志年二十四而寡事姑孝後姑老患痿扶掖牀第間躬親湯藥

寒暑無間雖垢穢必親滌如是者三年竟以積勞成疾而卒

吳景元妻顧氏

歸安縣志景元病篤迎氏到門未一月景元卒守志不移繼姪啓新為後

娶陸氏啓新又妖姑婦孀居年皆八十餘人稱雙節

沈臻卿妻臧氏

歸安縣志夫歿子鍾觀在襁褓臧氏勸勉之強起撫孤遺盜欲

刃其姑氏請以身代得免後俱以壽終

王瑞圖妻沈氏

歸安縣志年十七歸瑞圖未三年夫歿遺言必登家力行善事沈乃悉與

簪珥傾圉粟凡施捨賑救事無巨細有聞
必行撫遺孤成立年六十四無疾而終

應道和妻盧氏

孫溥妻李氏

唐謹妻潘氏

沈鏜妻簡氏

沈復妻孫氏

施良妻沈氏

項奕顯妻沈氏

沈儼燦妻吳氏

張維妻陳氏

沈儼燦妻王氏

沈輔妻嚴氏

張承亮妻劉氏

張鄖錫妻黃氏

陸警凡妻張氏

應霖妻張氏

張日省妻費氏

國朝

徐廷賢妻吳氏

歸安縣志年二十五夫亡氏毀容砥節誓死靡他事姑嫜撫幼孤屢值歎

歲艱苦備嘗順治中巡按王元暉具題奉

旨建坊旌表

楊敬塘妻王氏

歸安縣志夫亡氏年十九生男女各一夫志守節宗族因其年少勸之嫁

旨建坊旌表氏佩刀欲刎如是者二十年康熙十一年具題奉

盧明棟妻馬氏

舊浙江通志康熙二十年巡撫李本晟具題奉

旨建坊旌表

表

沈瀝妻董氏

題旌冊結褵七載夫亡事翁姑至孝撫繼嗣成名守節三十七年康熙三十九

年具題奉

旨建坊旌表

欽定四庫全書

浙江通志

四

王炳鳳妻陸氏

題旌冊年十六歸炳鳳年載炳鳳亡事姑孝撫遺腹子成人經史皆由親

授貞操六十載康熙四十四年具題奉旨建坊旌表

費爾莊妾蔣氏

題旌冊年十五歸費二十歲夫歿撫孤成立苦節三十二年康熙五十

八年具題奉旨建坊旌表

崔家妻嚴氏

題旌冊年十五歸崔三十歲夫亡守節四十一年雍正二年具題奉

旨建坊旌表

俞爾鼎妻金氏

題旌冊年二十五而寡守節五十九年

王永昌妻費氏

題旌冊年二十而寡撫遺腹子守節五十一年以上二氏俱雍正三年

具題奉

旨建坊旌表

史啓昱妻朱氏

題旌卅年二十九而寡姑患痺症體如蜂蟻不能就席氏以身翼姑衣不

解帶及姑愈翁又癱瘓十年氏拮据湯藥艱苦備嘗訓子嚴而有法子國登丙午鄉薦氏守節二十

年雍正四年具題奉旨建坊旌表

鈕獻琛妻曹氏

題旌卅年二十五而寡守節三十七年雍正五年具題奉

旨建坊旌表

沈坦妻嚴氏

題旌卅年二十一而寡事舅姑歷久彌敬以夫棺未葬積二十年泮統之資贖

地營窆少撫子直方成立守節三十二年

欽定四庫全書

浙江通志

五

王耀妻江氏

題旌冊年二十三而寡事孀姑養葬盡禮撫姪承祀守節二十四年

潘旭妻周氏

題旌冊年十八而寡奉養翁撫猶子為嗣守節五十七年

鮑溶妻高氏

題旌冊年二十九而寡事翁姑撫子守節五十一年

沈士俊妻江氏

題旌冊年二十九而寡守節四十一年以上五氏俱雍正六年具題奉

旨建坊旌表

潘兆發妻倪氏

題旌冊年十七夫亡撫姪為嗣家貧訓女徒自給守節三十四年

潘子韓妻吳氏

題旌冊年二十九夫歿守節四十二年

吳傑妻卞氏

題旌冊年十九歸吳甫一月夫歿繼姪時奉為嗣長為娶婦生孫三月而媳亡

氏又撫孫成立守節三十三年 以上三氏俱雍正七年具題奉

旨建坊旌

表

潘志英妻沈氏

題旌卅年二十夫亡遺腹生一女繼姪承祧守節三十二年

潘燕發妻孫氏

題旌卅年二十夫亡止一女撫姪承祧守節四十年

沈正妻孫氏

題旌卅年二十夫歿長孤方二齡遺腹復生一子晝夜縫紉奉翁姑撫二孤守

節五十

九年

徐濟善妻楊氏

題旌卅年二十二濟善歿撫子藉女紅自給守節二十五年

章宸策妻沈氏

題旌卅年十九夫亡繼甥為子守節五十六年 以上五氏俱雍正八年

具題奉
旨建坊旌表

沈氏二節

題旌冊姚氏沈銓妻陳氏銓子澈妻銓亡姚年十六無子繼姪澈為嗣姚上事孀姑

下撫繼嗣嘗身受凍餒而姑與子衣食不缺所居僅數椽親操井曰外人無識其面者故時人為之

語曰銅牆鐵壁姚氏之室守節三十二年卒澈亡陳氏年二十八恪承家法嚮手以奉孀姑教兩孤

有成守節
三十二年

黃士元妻蔡氏

題旌冊年二十四而寡事姑孝姑歿喪葬皆出自十指訓繼嗣嚴而有法

守節二十
七年而卒

施介膺妻嚴氏

題旌冊年二十三而寡姑早亡後姑性忤急氏委曲承順姑亦化之撫姪

為嗣并撫無母之姪共七人由襁褓以至嫁娶靡不盡心守節三十七年卒

慎蔣彥妻張氏

題旌冊年二十四而寡遺孤僅三齡翁姑老氏事之盡謹訓子以義方守

節三十二年而卒

朱廷槐妻沈氏

題旌冊年十八適朱為繼室十九而夫亡元配子有瑛孱弱多病氏保護

備至卒能成立姑亡遺兩幼叔氏并撫之守節四十六年

費元銘妻沈氏

題旌冊年二十九而寡長子未離襁褓遺腹生次子翁姑老且病氏上事

下撫歷盡艱辛守節三十一年

孫泚妻唐氏

題旌冊年二十三姑亡夫繼歿遺女止四歲孤甫五月翁藉館穀餬口疊遭兩

喪喪殯不繼氏勤十指
以給守節三十一年

馮秉恒妻姚氏

題旌冊年十九而寡道腹生子殤撫夫前妻幼子三人而伯仲又天復撫

諸孫成立守節四十七年

孫兆行妻諸氏

題旌冊年二十一而寡無子嗣猶子夫弟又夭與孀張氏共相勗勉積貲

合售一地葬其夫及叔守節五十四年

沈振妻蔡氏

題旌冊年二十而寡無子姑先亡祖姑在堂老而多病氏侍湯藥不離左右祖

姑及翁歿氏拮据殯殮立繼承祧守節五十八年

孫偕行妻張氏

題旌冊年二十二而寡無子欲殉翁姑為立繼嗣乃晝夜操作撫孤守節

五十年 以上十二氏俱雍正九年具題奉
旨建坊旌表

朱元玠妻宗氏

題旌冊年二十九而寡
撫子守節三十三年

沈汝楫妻李氏

題旌冊年二十三而
寡守節四十六年

王廷臣妻陳氏

題旌冊年二十八而寡
姑年邁遺子女五人旁無伯叔家貧甚藉女工

以上事下撫孝慈兼
盡守節三十三年

董稚圭妻龔氏

題旌冊年二十五而寡
事姑孝撫姪為嗣守節四十一年

陳鳴鶴妻邵氏

題旌冊年二十六而寡
事姑撫子守節四十三年

鈕士球妻凌氏

題旌冊年二十八而寡
撫子守節三十三年以上六氏俱雍正十年具題

奉

旨建坊旌表

吳景運妻潘氏

題旌冊年二十四而寡事姑克盡孝道遺孤婚配復夫撫育遺孫長成婚

娶守節

五十年

沈爾霖妻邵氏

題旌冊年二十九歲而寡仰事俯育竭盡心力喪葬婚娶豐儉合宜守節

五十

七年

陳于王妻范氏

題旌冊年二十二夫亡哀慟欲絕姑曰節與烈無異理當以未亡者為亡

者任其職遂飲泣從命無子撫姪為後姑疾寢食俱廢居喪盡禮守節五十五年

錢氏二節

題旌冊錢師韓妻貝氏年二十九而寡事舅姑撫姪天府為嗣葬錢氏三世守節五

十二年天府早歿妻謝氏年十九事姑共天
茶苦無子撫而女長齋終身守節三十一年

沈徵階妻張氏

題旌冊年二十一夫亡撫前室之子
女婚嫁適于已出自以不及奉侍舅

姑每逢忌辰必盡誠敬事
之如生守節四十七年

王國泰妻費氏

題旌冊年二十二夫亡家無生產侍
奉舅姑曲意承順歿後哀毀盡禮遺

孤相繼而死孤孫在襁褓中復與寡媳
共為撫育以延宗祀守節六十七年

吳陳文妻凌氏

題旌冊年二十五而寡翁復邁疾十
有餘年侍奉不怠竭力以完喪葬老

姑年屆八十親操井臼以
供甘旨守節三十七年

吳啓成妻孫氏

題旌冊年二十一而寡姑病侍奉湯
藥晨昏無間翁年近八旬氏親自扶

掖不任婢僕遺孤成立能文
皆由母教守節三十二年

沈汝俊妻崔氏

題旌冊汝俊贅于婦家以疾卒得一遺腹氏辭母家歸沈而沈實無家從

叔收而養之子復歿躬自作苦以佐食早年耳聾人呼為聾寡婦守節四十四年

費文光妻宋氏

題旌冊年二十三夫亡絕食投繯者再翁泣諭乃撫姪為嗣事翁存歿盡

禮而所撫之姪既長復亡媳有遺腹氏再為恩育教誨因得成立守節三十九年

金寧基妻馮氏

題旌冊年十八夫亡水米不入口者累日上事翁姑晨昏定省未嘗或間

姑病身侍湯藥衣不解帶者三月歿後哀毀骨立繼姑年少于氏而事之克盡誠敬翁歿與衣搜篋以營喪葬教子義方克著文譽守節三十四年

錢廣生妻王氏

題旌冊年二十九而寡事姑撫子守節四十九年

程嗣興妻王氏

題旌冊年二十九而寡事舅姑撫子守節二十六年

史進妻崔氏

題旌冊年二十三而寡事舅姑撫姪為嗣守節二十八年以上十五氏俱旌

旨建坊旌表
正十一年具題奉

賈大姑

邵崇案驗年二十許字高成龍未婚浣衣河口李二調之大姑羞忿歸訴其母遂為戶自

經死李二依律究擬大姑節烈捐軀雍正十一年具題奉

旨建坊旌

表

沈夢曾妻慎氏

題旌冊年二十二夫亡生子甫百日氏鞠育教誨長為娶婦復早歿僅遺

寡媳孤孫覽覽了立氏茶苦經
營得延一綫守節三十一年

陳其凝繼妻沈氏

題旌冊年二十八適其凝二十九其凝亡前妻遺有五子長與次方

就傳幼者襁褓氏撫如已出延師訓課長子登賢書餘俱讀書有成守節二十年

費存箴妻陸氏

題旌冊年二十八夫亡事繼姑甚孝教子掄元讀書有聲庠序守節三十

年一

鄭嘉績妻吳氏

題旌冊氏幼喪父母育於嫂年十七結鵲二十二而寡無子夫弟繼卒遺

一子與姊楊氏同撫之又遭舅喪踰覺葬事孀姑以孝謹稱後姪長生子遂以為嗣守節六十六年

費名賢妻沈氏

題旌冊年二十七夫亡未二載舅又亡氏晝夜勤機杼營窻教遺孤

授經書守節

一十五年卒

卞澧妻唐氏

題旌冊年二十七夫亡子在襁褓氏足不踰戶勤紡織事舅姑撫子守節四十

年七

丁江妻朱氏

題旌冊年二十一適江二十四而寡無子撫猶子恩勤鞠育稍長延師訓課俾

克成立事兩世尊嫜尤稱孝謹守節二十九年

莫尚媛妻凌氏

題旌冊年二十三夫亡舅姑老子幼氏忍死以守終身不御鉛華布衣蔬

食守節

三十年

陸鳴鑾妻吳氏

題旌冊年二十二夫亡時結褵甫二載生子未晬氏欲以身殉舅姑泣諭

之曰汝死則兒亦死陸氏之鬼不其餒而遂矢志靡他事舅姑生奉甘旨歿營喪葬俱竭盡心力鄉

黨咸稱其孝教子具有法度守節二十九年

周輔臣妻諸氏

題旌冊年二十一夫亡遺孤二階斜指以給養殮旁無伯叔竭麗莽舅姑

及夫守節四十六年以上十氏俱雍正十二年具題奉

旨建坊旌

表

王張嗣妻盧氏

題旌冊年二十九夫亡子起熊甫九歲撫長擇配又歿氏痛不欲生親黨

議立族孫至健為起熊後氏復撫長擇配生子女宗祀賴以不墜守節五十六年

張致妻董氏

題旌冊年二十六夫亡無子舅姑老且病氏奉侍不離左右歿則卜地營葬建

宗祠備祭器撫姪潮青
為後守節四十七年

沈四鎮妻張氏

題旌冊四鎮病其父以本支三世皆立繼承祧四鎮又未有子即命以姪

後之氏撫育如己出四鎮卒氏年二十九舅繼歿逾月之間連遭大故百計質貸完喪葬艱苦訓子

守節二
十三年

陸叔英繼妻湯氏

題旌冊年二十八而寡二子幼舅姑歿而未葬夫兄二人力不能營

宅兆氏典常衣飾罄盡由是三棺並舉教子耕讀已日夜勤紡績守節二十九年

歸應洪妻吳氏

題旌冊年十七適應洪十八而寡遺孤甫百日上無舅姑家貧甚惟日勤

女紅及屋旁隙地種瓜蔬易衣食子長為娶婦又
歿宗族皆獨子無可繼者乃親負土築墳葬舅姑
及夫性耿介雖炊烟常絕而人有
遺之者堅不受守節六十五年

金秉柄妻周氏

題旌冊年二十六夫亡事姑孝謹教
二子讀書早歲遊庠孫曾林立守節

五十
七年

吳啟黯妻陳氏

題旌冊年二十三夫亡遺孤在襁褓
稍長氏節衣縮食俾從師問學守節

四十
一年

吳子易妻沈氏

題旌冊年二十一夫亡無子立姪景
臣為後長為娶婦復歿又繼西孫延

師課讀完娶後各授以產計家資
視夫亡時有加焉守節六十三年

吳昶妻孫氏

題旌冊年十九適昶甫七日姑歿即脫簪珥以備殮具二十五夫亡舅繼歿子

振宗幼家無寸椽敝屋以居值歲侵流離播遷然必悻鄰而處經書皆口授子入邑庠守節三十三

年

李貢妻陳氏

題旌冊年二十八夫亡三子二女俱幼舅姑樞未葬氏株積數載克營兆域教

子耕作其秀者則令就學子女長各為婚嫁守節三十五年

茅源妻吳氏

題旌冊年二十四夫亡無子止一女立族屬之應繼者為後舅卒于京家益窘

乏藉針指以養姑歷八載孝謹彌篤姑歿拮据治殮具守節四十一年

費志遠妻沈氏

題旌冊年二十七夫亡甫三月舅又亡遺孤在抱氏孝養老姑撫子成立

守節一十

八年卒

吳貽燕妻沈氏

題旌冊年二十一夫亡無子以猶子為子家貧夜漏三下猶於燈下織績

而令子誦讀于旁
守節三十二年

潘二巡妻費氏

題旌冊年十八夫亡時曾祖姑以下三世成在堂氏謹定省供甘旨並得

歡心後疊遭大故力營窀穸夫亦附焉
夫弟生子即育為己嗣守節三十四年

俞廷詠妻沈氏

題旌冊年二十七夫亡撫姪為子延師課讀儿衣食膏火之資皆從十指

間出事孀姑以孝
間守節二十五年

邵純祖妻童氏

題旌冊年二十五夫亡遺孤甫五齡又孀夫之姊亦早寡無依氏迎養於

家同室共處冰霜之操鄉黨咸稱之守節二十七年

汪子華妻宋氏

題旌冊子華為疾夫所噬兩目俱瞽氏鬻衣飾延醫治之終不愈子華卒

氏年二十九無子止一女繼姪文燦為嗣撫訓成立女亦有歸守節三十一年

唐永成妻丘氏

題旌冊年二十六夫亡遺姪生子氏力勤紡績事孀姑撫子長如養居無

子氏命子事之如母歿為治喪營葬守節三十三年

姚子含妻潘氏

題旌冊年二十七夫亡撫四歲子世隆娶婦生孫子復歿遺孤瑞麟復撫

之成立兩世一綫賴以不墜守節五十六年

朱以莊繼妻邵氏

題旌冊年二十五夫亡前室遺一子年九齡矣家貧夫多宿負取償

者接踵或至厲聲辱詈氏鬻所居償所負至樓托無所有嫂嫠居遂往依焉守節二十八年

柴起蛟妻呂氏

題旌冊年二十九夫亡二子俱幼氏屏膏沐足跡不出戶外守節二十五

年

沈建奇妾陳氏

題旌冊年二十八夫亡子三錫幼氏誓死不二子稍長令之學遂遊庠守

節三十四年 以上十八氏俱雍正十三年具題候旌

汪逢源妻丘氏

歸安縣志嫁未期而夫死欲自盡舅姑止之順治乙酉夏冠據湖城氏恐

見汚亟投井為汲者所出氏即鍵戶登夫棺自經死家人昇屍以土覆之越三日始殮面如生

茅允旂妻周氏

歸安縣志周文鳳女性至孝翁瑞徵官京師氏躬操節儉相夫勗子順治

中羣盜入室氏恐見汚潛赴水死次
日屍浮水面顏色如生郡邑旌之

孫華妻陳氏

舊浙江通志年二十七夫卒撫孤子傑不能延師晝夜紡績伴讀後舉順治戊

子鄉試守志

五十八年卒

沈鍾元妻嚴氏

舊浙江通志年二十八夫亡撫前妻之子角長娶茅氏角又歿遺孤雍尚

在襁褓嚴與茅竭
力撫訓俱以壽終

姚貞女

歸安縣志姚文成女許字楊文燝未幾連喪舅姑癸丑夏文燝卒氏聞仍為父母理家事

至更餘從容紉衣自經死里人
迎女棺與文燝合葬呈縣請旌

潘世暹妻胡氏

歸安縣志年二十三夫亡守節撫伯氏子璜為嗣璜娶費氏生子銓未幾

璜又歿梵梵二孀撫孤成立

孫龍行妻李氏

馮景孫烈婦傳李維中女龍行將娶嘔血結禡後病間發氏異牀而寢其

所以膏藥雪穢者勤為之無怨色及龍行病革泣謝李曰吾累汝吾死命也汝則奈何氏曰君果不諱亦惟隨君後耳相期冥會不出十日龍行歿以康熙癸酉六月二十一日及月晦而李氏果不食死氏初絕粒時母強灌以粥飯碗碎至五日虬自口出氏且吐且嚙七日五臟團結上衝忍痛按之下終不言死之日顏色如生蚊蠅不集年十八

王燾妻吳氏

馮景王烈婦傳吳訥伯女年十九歸燾燾故家貧為村塾師病嘔血不止氏常

貲糲營參藥百治不驗燾自念必死母老子稚以言傾婦志吳氏曰君即不起婦自有處不煩慮也

周魯華妻陸氏

長興縣

明

臧奴子妻倪氏

舊長興縣志年二十五夫亡遺腹生子福齡父戌西安欲攜往嫁之倪不

從勉奉舅姑教子成立
孀居三十年永樂年旌

臧應奎妻嚴氏

舊長興縣志應奎為禮部主事以諱大禮予杖卒氏年二十八孀居矢節

隆慶
年旌

李大元妻龍氏

舊長興縣志年十六歸大元不數月大元客死氏自度俯仰內外必不可

一日生歎曰我生不辰安知夜臺非白日乎遣侍女歸寧與妯娌歎洽竟日夜半紉衣裳自經死萬

歷年旌

周貞女

熊明遇貞女碑記許字姚光裕光裕歿女密

父多方療之三年而知其必不可奪迺治輜車輦女歸姚及門而笄曰吾今日得為姚氏婦矣命高墉嚴扃置坏通飲食奉夫木主禮拜紡績室中傷亡人殮薄出機杼所積贖巨材為榔卜葬店興山事竣詣嗣既得受命曰可報亡人于地下矣稱疾却醫絕食旬日而逝年僅三十

董廷虎妻王氏

舊長興縣志生子三歲廷虎卒氏年二十四俯仰無依惡少朱電慕其姿

強贅焉氏割一耳血淋漓從門隙投之電驚遁冷竹四十餘載萬歷年旌

韋佑妻李氏

舊長興縣志年十七歸佑踰年佑卒遺腹舉一子舅姑諷之他適氏抱子號泣

自矢益堅卒

年五十八

李蕙妻費氏

丁元薦李節婦傳蕙死氏年二十五遺妊舉一子名之曰倫值歲不登常奩具以

供堂上甘毳姑病疽日夕侍湯藥禱于神願以身代尋果愈倫婚姚氏舉六子詩書之業三世而卒光大焉

李鵬妻錢氏

舊長興縣志年十六歸鵬閱十載鵬卒子大中二歲大正甫五月宗姓將不利

於二子氏外禦其侮教之成立丁元薦為傳

李貞女

舊長興縣志李良謨女許字宋林未婚林疾篤舅姑促歸父母不忍也時氏年十三自笄

而往躬湯藥者二十七日而訣西叔耽耽不利其
在室氏曰產可讓志不可奪甘貧茹素年五十三
卒而

李大韶妻錢氏

舊長興縣志大韶不得于父暴死氏年二十二子良棟方兩歲氏以子故

亦失愛于翁奪之者屢矣終矢志靡他焚其嫁衣
以見志翁死為營葬厝大韶于墓側于是早夜拈
拈以十指為生良棟長娶婦歲除丐米他舍無應
者姑婦對泣度歲良棟就試武林徒步以往舉于
鄉成進士伏闕
上額奉旨旌表

丁應詔妾嚴氏

舊長興縣志農家女也年十九侍應詔應詔年迫桑榆甫四載應詔卒遺

命嫁之嚴矢志不二龔大士
于室遂不肉食卒年五十五

朱天然妻錢氏

舊長興縣志年十七歸朱兩歲而得子甫胖而天然死氏事翁姑育藐姑

辟縕以佐養殯拮据黽勉以至子聾族人稱聾寡婦

周思廉妻石氏

長興縣志年十七為思廉繼室前妻王氏生一子甫週歲氏鞠育如已出

越二年思廉死家貧嗣幼有欲奪其志者氏割髮自誓撫孤成立以壽終

費氏二節

舊長興縣志王氏費繼元妻年二十三繼元卒遺孤應期甫三齡家酷貧撫之成立

娶丁氏而應期復卒丁氏方十七遺孤九思猶未胖也姑媳砥行邑大夫表其門

臧氏二節

舊浙江通志閔氏年十四贅臧世基數年世基卒氏素服歸臧年二十一卒蔡氏年

十五歸臧國基即世基兄孀居十四年足不踰閭帷誓布衣年三十卒稱一門雙節

臧斐基妻吳氏

舊長興縣志歸安人幼許字臧斐基父登賢書且宦矣聞臧生貧甚悔焉

復以女改字一新貴女志曰不有初命在乎是時臧雖補弟子員年甫成童鳴學使者暨直指皆掣於勢不得伸女憤悅欲死奉母抵父任削饋泣請父恕謾署其女札曰女不從父非吾女聽所歸女得札呼保姆買艇竟赴臧成禮椎髻操作絕無怨咨居二載舉一子鞠育盡瘁而卒

趙貞女

長興縣志許字周宗制未行而宗制病篤俗以迎婦為沖喜謀諸趙趙拒焉氏泣曰身許

周生豈以病故二其心即束髮偕母往比至宗制病革矣猶能盱目一視氏年甫十八卒哭母勸之歸不可翁姑貧老欲奪其志氏截指以誓十指所入絲粒不費越十餘年始得厝夫骨後歿從宗制

同穴焉

丁紹稷妻姚氏

長興縣志年十九而寡志矢靡他姑病痰以口承沫刲股作羹含辛茹荼

六十年臺使旌其門

胡駿妻韋氏

舊長興縣志明末兵亂駿攜氏避紫梅溪突遇數十騎氏知不免躍入池中而

死時相繼赴水死者駿兄端妻過氏駿伯毓秀妻柏氏及馮遵祖妻陳氏馮與胡為姻姪人稱四烈云

孫昇妻濮氏

舊長興縣志婚三載涉亂襁幼兒隨姑避匿道逢騎兵欲俱驅之去氏曰姑老

矣苟釋姑我願隨行從之離里許兒啼置之田間顧道旁有池奮身躍入元兒為里中牧犍得存

李世彩妻徐氏

舊長興縣志孀居避亂猝與兵遇給以金瘡近處請往取兵許諾急趨池

昨入水死又楊發妻梁氏被掠不從自沈于河劉國美妻施氏并女秀大楊亨妻周氏馮聖源妻朱氏俱不屈被刃死

孫氏二烈

舊長興縣志一為孫文明女欽授家之妻兵至義不受污赴水死一為孫枝茂妹王

選之妻兵掠其背欲及其身抽兵刃自刎死

徐彥名妻郭氏

孫應福妻姚氏

錢塘妻費氏

商綸妻李氏

畢文信妻費氏

臧葵妻馮氏

高鳳翔妻劉氏

陳輻妻盛氏

楊蒙妻宋氏

徐浚妻潘氏

鍾經書妻沈氏

錢大選妻劉氏

高名世妻潘氏 沈觀瀾妻費氏 王泮妻皇甫氏

沈紹宗妻費氏 孫伯鯨妻李氏 欽沛妻徐氏

國朝

徐聖妻莫氏

長興縣志年二十七而寡孝事翁姑撫課二子成立康熙十年具題奉

旨建坊旌表

吳中元妻周氏

長興縣志年十六歸吳甫一月中元墜水死氏紡織拮据以奉尊嫜已則

日僅一粥無子以姪兆興嗣年七十七卒奉旨建坊旌表

陳鈺妻錢氏

題旌卅年十九夫亡無子翁姑老病氏辟績以供及殯喪葬盡禮苦守四十餘

年康熙二十四年具題奉

旨建坊旌表

周名妻朱氏

題旌冊年二十七夫亡事舅姑撫孤子
守節四十六年康熙五十年具題奉

旨建坊旌

表

丁氏二節

題旌冊丁景達妻李氏年二十八夫亡撫
教二子守節四十四年丁偉妻錢氏年二

十五夫亡撫子守節三十六年二
氏俱善事孀姑人稱節孝兼盡焉

臧時欽妻吳氏

題旌冊年二十四夫亡事
姑撫子守節三十六年

姚灝妻李氏

題旌冊年二十七夫
亡守節二十四年

蔣岳妻張氏

題旌冊年二十九夫亡事衰翁撫週歲
稚子守節三十六年
以上五氏俱雍

正三年具題奉

旨建坊旌表

黃燦如妻趙氏

題旌冊年二十七而寡事翁及後姑俱孝撫二子成立氏性好施凡宗黨

以窘迫告者必應之小姑早孀無所依倚氏迎歸同處勵以永操歿為殯葬焉守節三十四年而卒

旨建坊旌表
雍正九年具題奉

丁植妻錢氏

題旌冊年二十九而寡無子繼族子上之為嗣事姑孝姑卒即擇地為兩世營

葬教嗣子為諸生守節三十三年鬻髮盡白猶勤蠶績不休

孫偉績妻鄒氏

題旌冊年二十九而寡遺子二教之讀書兼業農事氏敬事翁姑母孀無

依迎養二十餘年兩姓咸稱其孝守節五十二年

滕士奇妻嚴氏

題旌冊年二十一而寡無子繼姪象
巽為嗣勤儉持家能使家業裕于人

在時守節

四十一年

朱汝楫妻葉氏

題旌冊年二十五而寡遺孤未週歲
舅姑老病氏百計醫藥侍奉十餘年

卒擇地以葬撫孤讀書氏生平知大義伯氏家貧
絕嗣夫婦繼亡氏親為殯殮堂姪單丁貧不能婚
氏捐貲為娶婦
守節三十三年

欽允文妻朱氏

題旌冊年二十一而寡無子止一女
旁無伯叔族人覲覲遺產欲奪氏志

氏之死靡他乃立堂姪為嗣事姑甚孝性更好施
凡親族之無力婚葬者咸助之守節六十二年

施任龍妻李氏

題旌冊年十八歸施為繼室二十三
而寡遺姪生子文華前室子以痘殤

媳徐氏年甫十六矢志同守共撫文華成立以文華之子為真後李氏守節五十六年以上六氏

俱雍正十年具題奉

旨建坊旌表

朱煒妻吳氏

題旌四年二十六而寡因前室有二子并妻出者一勉稱未亡人恩勤撫育後

皆登仕籍性復好施捨棺槨修橋梁凶年煮粥以食餓者遇疾疫則設茶湯藥餌寘道周以濟行路

旨建坊旌表
守節三十一年雍正十一年具題奉

吳桂芳妻俞氏

題旌冊家貧貞潔自守偶從田間歸路遇道士沈淨理以手犯之氏大聲

詈罵里人環集淨理乘間逸去氏哭訴憤恨衆勸其歸至夜鍵戶自經死時年二十二雍正十三年

獄成具

題候旌

章貞女

長興縣志年十三受陳傅聘十四而傅歿女即奔赴守志順治初沿山寇起相戒勿犯所

居不蔽風雨一夕虎咆其室竟無害年四十三卒

姚雲妻金氏

長興縣志順治初遇遊騎牽其臂恚甚遂引刃自斷投水死邑令通詳載入憲

綱目

邵鶴林妻蔡氏

謝時年二十四夫亡守節十載里豪徐益世覲氏色美以利啗其舅舅許

之氏適歸寧紹以舅病篤速之返中途昇往益世家逼氏成婚氏毀容堅拒赴水死雍正十三年控

理得實候題請旌

丁明妻李氏

徐三聘妻蔣氏

徐元中妻蔣氏

周鶴年妻姚氏 丘之球妻陳氏

德清縣

元

沈回奴

靜志居許話元末兵亂匿蘆溝中賊獲之求合從容語曰我閨女也必擇日具禮乃可賊

信之攜至營是夜拔頭上簪刺喉死

明

沈妙圓

弘治湖州府志幼許聘何姓者未及嫁而何亡沈亟奔其喪解衣殮之畢葬而返續絰以

備衣食卒年八十餘成化間旌表

嵇瑤妻孫氏

李琮安節精舍記年三十喪夫即屏棄脂澤立伯氏之子昇為嗣日惟蔬食究

心內典孀居四十載與昇之生母沈並居一室如兩水壺雙節輝映嗣子昇以學行升成均

蔡玉妻沈氏

嘉靖德清縣志玉卒氏年二十四一子在徭祿沈誓志堅守所親有諭以改操

者輒流涕不聽弘治丙辰旌表卒年八十三

沈濤妻康氏

嘉靖德清縣志濤卒氏年方少守志堅苦凡內外婚喪一無所預購書教子至

於成立孀居三十五年人無聞其笑語者正德間旌表

車貞女

德清縣志車葵女許配房煥如將嫁而夫死氏年十五即奔喪守志服闋祖姑勸之茹荼

不從日食菜十餘枚水一二盃而已如是者八年乃擇族姪承嗣為後隨與娶婦婦入門氏執其手

曰我忍死至此因汝翁無後今無以生為矣遂併
葉與水絕之數日而死時年二十三巡按方元彥

題請
建坊

沈萬鍾妻章氏

德清縣志年二十二夫亡抱孤付叔
囑曰好看承之閉戶自經以救甦尋

服滴而殞二屍像
然一室見者哀之

沈明道妻張氏

德清縣志年十九夫亡遺二孤氏以
死自誓撫孤成立姑病割股以救姑

死吞鉞以葬孀
居五十八年

陳大章妻談氏

德清縣志年十七歸陳甫七月而夫
亡守制踰七載偶歸寧父諭以更適

氏趨就夫家面翁姑泣言其志旋仆地
扶之入室是夕竟緘衣閉戶自經死

劉氏二節

德清縣志胡氏嫁劉達年二十六而夫亡哺四孤養舅姑備極慈孝其仲子崇節妻

邱氏年二十四亦寡遺孤在明方十月少多病鞠養倍艱後成進士陳情得旨建坊

陳貞女

德清縣志陳楫女許聘莊炎未嫁夫亡請于夫家得地築室獨居布衣蔬食炊用瓦缶不

解衣不踰閭者三十八年

王道基妻吳氏

德清縣志年二十二夫亡欲引刀自決姑謹護之不得死甘貧撫孤姑病

割股以救砥節四十餘年

徐彥鯉妻胡氏

德清縣志進士徐灝徐灝之祖母也年二十餘彥鯉早世家貧撫孤慈訓

三世年及老猶先諸孫婦操作崇碩年孫灝陳情建坊

胡子觀妻吳氏

蔡汝楠妻吳氏

姚珊妻蔡氏

張雲路妻施氏

許志遠妻馬氏

章瑤妻許氏

馬三省妻徐氏

沈一鴻妻蔡氏

徐燮明妻蔡氏

許受恩妻徐氏

談崇妻高氏

陳學思妻徐氏

沈金妻吳氏

吳羽振妻許氏

房炳如妻嚴氏

國朝

金鏡肅妻陳氏

德清縣志年十六適金閏三年夫歿氏淚盡出血目幾失明坐卧一小樓

足不踰閭者三十載教子有成康熙十一年具題

奉

旨建坊旌

表

車爾翼妻蔡氏

題旌冊年二十五夫歿守節五十二年康熙四十二年具題奉

旨建坊旌

表

沈人傑妻盧氏

題旌冊年二十八夫歿勤紡績蔬食終身守節四十七年康熙五十年具

旨建坊旌
題奉表

胡石麒麟妻沈氏

題旌冊年十四歸胡匝歲夫亡遺孀五月產一男撫訓成立康熙五十五

旨建坊旌
年具題奉表

沈貞女

題旌冊許字阮淳未婚淳卒女聞訃自經以殉時年十八康熙五十七年具題奉

旨建坊旌

表

蔡俊生妻沈氏

題旌冊年二十九夫卒守節三十三年

蔡思贊妻凌氏

題旌冊年十九夫亡守節三十四年

王綽妻姚氏

題旌冊年二十四夫亡無子孝事衰翁撫姪為子又殤遂悲慟疾卒守節二十年

二年

虞士森妻陳氏

題旌冊年二十五夫亡守節四十六年

蔡昌聞妻金氏

題旌冊年十七夫亡事舅姑孝守節五十一年

沈文龍妻潘氏

題旌冊年十九夫卒翁姑貧病氏紡績供膳人稱其孝守節四十八年

朱玉文妻蔡氏

題旌冊年二十六夫
辛守節五十二年

費興仁妻金氏

題旌冊年二十九夫亡撫前妻子如
出家以成立守節四十五年 以上

旨建坊旌表

八氏俱雍正三年具題奉

蔡新蔡妻韓氏

題旌冊年二十夫亡堅矢不二後姑
逼之嫁迎婚者至門氏潛自縊死 旌

旨建坊旌表

正四年具題奉

蔡雲衢妻唐氏

題旌冊年二十一夫卒無子立繼承
祧守節四十七年雍正六年具題奉

旨建坊旌表

楊貞女

題旌冊楊元佐女許字沈純未婚純卒女年
二十二聞訃投繯以救甦遂赴沈守志事 旌

姑盡孝撫姪為嗣守節至四十二歲卒雍正八年

具題末

旨建坊旌表

蔡啟緒妻張氏

題旌冊年二十二而寡前妻遺子三人俱幼啟緒彌留之際指諸孤為囑

氏即引簪自剔一目血淋漓以示不二卒能撫訓有成守節二十九年而卒

沈完璧妻戴氏

題旌冊年二十八而寡遺孤及兩女俱幼上有兩世未葬氏力圖完寔以

竟夫志訓子為諸生女亦有歸守節三十年而卒

戴弁妻陳氏

題旌冊年二十一而寡撫六月孤子成立至老足不出庭面無喜色守節五十

四年而卒

陳亮采妻童氏

題旌冊年二十五而寡孤僅四齡遺腹生一女氏藉針紉紡績以撫訓成

立守節四十
八年而卒

沈士瓚妻蔡氏

題旌冊年二十一而寡無子立姪為後舅姑歿伯叔不能秉事氏竭歷殯

殮營窆旁其夫雙塚並峙子長婚配夫婦俱歿遺子女各一氏又撫之守節四十一年

胡志勗妻吳氏

題旌冊年二十九而寡遺三男一女教以義方俱有成立先是氏父夢日

早喪母嚴青年守志至是子媳繼歿無所依氏迎養于家三十餘年歿則與父合葬守節四十一年

胡承裕妻楊氏

題旌冊年二十五而寡翁繼歿姑病癰瘕卧牀十餘年氏侍奉湯藥歷久

不懈又遭祝融之厄歷盡艱辛卒能撫子成立守節三十三年以上七氏俱雍正九年具題奉

旨建坊旌表

表

高盛宗妻孫氏

題旌母年二十九而寡遺孤二孀姑
繼歿氏連舉兩喪力營宅守節三

十一年雍正十年具題奉

旨建坊旌表

姚以誠妻張氏

題旌母年二十四夫亡因懷孕七月
勉進飲食果得一子翁老子幼隻身

撐持門戶豐儉得宜親黨中有死喪疾病及貧不
能自存者必盡力周恤雖典鬻衣飾亦所不惜守

節二十四年雍正十一年具題奉

旨建坊旌表

高永嘉妻施氏

題旌母年二十二夫卒太公舅姑相
繼歿氏以隻身經營四喪鬻衣飾不

足則輟轉稱貸家益貧窘終身敝衣百結
晝夜紡績完兒女嫁娶守節五十二年

楊天瑞妻潘氏

題旌冊年十九夫亡遺腹生子事姑先意承志年九十猶在堂也宗黨以

貧乏來告者雖處宴乏不吝周急訓子以義方守節三十三年以上二氏俱雍正十三年具題旌

王法妻沈氏

舊浙江通志年二十順治間寇亂匿林莽間為寇所迫以手格刃奔河而死

吳允培妻沈氏

德清縣志年十八歸吳順治初被寇氏行避中途遇盜奔于河盜以弓絃

扣其頸氏遂縱入深淵而死

沈元復妻徐氏

德清縣志適沈一年夫死無子舅姑皆亡家貧日鬻女紅自給常終日不

舉火或歆以富室諷之再嫁者憤而呼天齧指以誓至順治辛丑家貧日甚家人謀移其守婦微聞

之為不語者竟日母窺其意與共寢是夕同母睡熟從窗牖躍出投入清潭而死

沈日煥妻計氏

德清縣志年十九生子半齡日煥死上無姑嫜中鮮兄弟歷遭兵荒食止

糠粃罔窮矢節

年七十而卒

徐士敏妻戚氏

德清縣志年二十歸徐甫半載夫死以紡績所入奉舅姑舅姑歿躬為營葬飢

寒罔苦極孀居之
慘歷五十八年

談嘉期妻沈氏

德清縣志嘉期死氏年十八遺孤可範家業零落薪水不支氏備極艱苦

卒使遺

孤成立

朱弘緒妻蔡氏

德清縣志年十八贅弘緒為壻甫三載弘緒死姑嫜亦逝父母繼歿子身

無依緒維自給或竟日不能得食親族間
有饋遺拒不納清操五十餘年忍餓而死

沈貞女

德清縣志許字蔡啟齊年十七啟齊歿矢不
再字遂赴其喪至則翁歿髮髮披衽執婦喪

哭泣如禮死與
啟齊同厝焉

蔡葉璫妻夏氏

沈熙績妻黃氏

姜應壁妻嚴氏

李惟義妻陳氏

姚應珍妻陸氏

蔡慎德妻嚴氏

蔡冠英妻許氏

徐行妻孫氏

蔡泮妻俞氏

徐文煥妻吳氏

蔡祚顯妻陳氏

吳壇妻嵇氏

吳從禮妻夏氏

鄭善隆妻吳氏

吳寅妻顏氏

沈珂妻卞氏

武康縣

明

蔡孝女

西吳里語天順間常隨母入山採桑有虎突至攫其母孝女即挺身扳樹枝格鬪行三百

餘步女益奮擊虎舍其母傷女其血上噴高丈許竹葉盡赤虎亦舍女而去尋卒孝女家方飼蠶三

日悉成繭鄉里以為孝感所致

丁久妻金氏

武康縣志年十九而夫亡遺腹三月生子坎撫育顧復獨守一樓足不踰閭

沈氏二女

武康縣志沈茂程女長許聘于盛未婚而盛歿女時年十九守志不嫁父母欲奪贅

章姓者女聞絕食死次適丁思孝半載夫死臨葬求廣其穴不得請遂斷指以矢靡他撫伯氏子為

嗣人稱一門雙烈

朱子明妻韓氏

武康縣志年二十夫死食貧荼苦有勸之嫁者曰餓死事小奈何以我敗

儒家風乎竟以壽終

徐大成妻張氏

武康縣志年二十一而寡冰霜守志女紅歷四十載不惰撫子成人至六

十歲而卒

國朝

仰旭妻韋氏

題旌冊年二十四而寡孝事舅姑守節六十餘年康熙五十八年具題奉

旨建坊旌表

表

張禹鼎妻夏氏

題旌冊安吉人年二十適禹鼎未逾月禹鼎亡旁無伯叔氏慮翁絕後泣

勸置妾貧無貲氏乃罄幣奩具為翁納妾生子時翁年六十六遂名雙六長而多男氏之功也雍正

四年具題奉

旨建坊旌表

徐景明妻何氏

題旌冊年十九夫卒事舅姑先意承志撫子及孫脩嘗荼苦守節六十三

年雍正六年具題奉

旨建坊旌表

徐振聲妻沈氏

題旌冊年二十三夫亡無子家貧甚鬻針指自給後依叔孀以居躬操井

臼撫諸姪如子守節三十五年雍正七年具題奉

旨建坊旌表

閩

妻施氏

題旌冊年二十八而寡翁老子幼氏勤蠶績絮針指以度日翁歿喪葬中

禮氏閩年適無嗣氏迎養于家歿為合葬人稱其孝守節閩十八年而卒雍正九年具題奉

旨建坊旌

表

胡濟熙妻張氏

題旌冊年二十五而寡事姑撫子守節四十八年

胡國模妻沈氏

題旌冊年二十七而寡事姑撫子守節三十八年以上二氏俱雍正十

年具題奉

旨建坊旌表

汪文斗妻程氏

題旌冊年十九適文斗生子女各一男與夫同時染病氏侍湯藥者五閱

月醫歿夫病益篤氏預藏帚刃欲自裁夫覺之指所抱子曰爾死是說諸者誰為乳哺乎乃不死夫

卒時氏年二十七事姑孝教子不為姑息守節四十七年雍正十二年具題奉

旨建坊旌

表

趙秉鏐妻葉氏

舊浙江通志年二十九秉鏐歿子甫六歲氏誓死以守延師訓子姑疾割

股以進年六十終

安吉州

宋

潘師仲妻朱氏

沈與求朱夫人墓誌安吉人配師仲生子曰已曰莘曰賁潘卒時夫人盛

年既終喪宜改適聞之慟絕自誓弗許三子稍長即招聘四方知名士館之門下授以儒術賁莘相

次中第歸拜堂下夫人疾已侵攝本強起一眎之
歎曰吾髮居三十年天卒相吾二子成名吾死何
憾時昔嗜肉典因索其書誦之彌月
忽若有得熙熙安坐而逝年五十三

元

朱甲妻郎氏

元史本傳朱任浙東以郎氏從至元間
朱歿郎護喪還至玉山里留居避盜勢

家柳氏欲強聘之郎誓不從夜棄裝奉樞遁柳邀
之中道復死拒得免家居養姑甚謹姑嘗病郎禱
天判股肉進啖而愈後
姑喪以哀聞大德年旌

明

郎理妻沙氏

續文獻通考洪武中從理官京師理以
諫死氏曰夫為忠臣妾獨不得為烈婦

乎遂自經賜
祭馳驛歸葬

李榮妻章氏

嘉靖安吉州志年二十八夫死葬畢父
母欲奪其志章以死誓養族子為嗣元

末兵亂備遭艱苦志操益確洪武間
旌表至永樂十年卒年一百二歲

徐珪妻范氏

弘治湖州府志名瓊英年二十三夫死
族人欲奪其志乃截髮以誓成化間旌

表

吳忠妻王氏

續文獻通考家甚貧正德初夫死婦無
依有欲收之者婦不應乃為麥飯瘞夫

塚前痛哭良久以草
簪裹身自沈溪死

陳滿妻都氏

萬厯湖州府志幼即割股愈母疾父嘗
傷足生蛆輒齧蛆吞之及長歸滿滿死

都年十九撫其孤良謨纔十月備
歷艱苦年五十六卒嘉靖間旌表

路烈女

嘉靖安吉州志梅溪路奇女年二十美姿容
其夫貌甚惡且多病有富民見而悅之欲買

為妾厚賂其父令諭意女知勢不可拒佯許之比
來迎女曰少緩須臾當整容以行乃入卧內自經
衆怪其久不出視之則死矣

李茂妻高氏

舊浙江通志茂死高買
棺葬之遂繼于墓側

章鑑妻何氏

嘉靖安吉州志年二十八鑑死方乳一
女父母憐其無子欲奪其志乃令老嫗

微示其意氏誓而逐之無何母令其子來言又拒
之逾年母自往勸何持刀欲刎母懼止之自是不

復言年八
十一而終

章增奴

嘉靖安吉州志章敏二女許字姜氏子未歸而姜亡增奴時年十八矢死不嫁或勸之增

奴曰吾心許久矣焉敢有二父母知其不可奪不復言家居至老而卒

張省侯妻趙氏

安吉州志歸二載省侯亡氏時年十九遺一子復以瘡廢族之無良者欲

奪其志氏秉志屹然撫護瘡子雖多方誘之卒不能奪後得孫四人卒年九十四

趙日泓妻楊氏

安吉州志年十七嫁日泓甫二月日泓為怨家所斃氏誓死報之寃竟以

雪未幾父母欲奪其志氏固守不從年五十三無疾而逝

郎童四妻潘氏

金六妻郎氏

莫文會妻朱氏

徐學經妻湯氏

郎鳳岐妻吳氏

國朝

金楣妻歸氏

題旌冊年十七結褵甫二載而夫亡撫
強姪姪為子不育復繼幼姪為嗣事嫡

庶兩姑備極孝養如顏氏亦相繼早寡氏勗以大
義同居守志子長娶婦令其服賈治生至于生孫

而兩姑始歿喪葬盡
禮苦節三十九年

金廷槐妻顏氏

題旌冊年二十四夫亡無子止一女
撫三歲姪為子鞠育教導長為婚娶

媳又亡復為續娶夫有兄五人不能葬父母棺久
暴露氏鬻其室之半力營窆少尤為女子中所難

能者守節四十九年
具題奉
以上二氏俱雍正十二年

旨建坊旌

表

童道行妻邵氏

安吉州志道行亡邵年僅十七家貧無後父母欲嫁之邵間號哭投繯姑

救之得免堅貞四十餘載卒

黃中色妻胡氏

舊浙江通志中色歿遺子未期舅姑欲奪其志氏截髮毀容為夫營窆

虛其一以自待示無二志

徐朝聘妻張氏

安吉州志歸徐五年朝聘卒家計蕭然氏篤志苦守子熙浸長令就學一

褚一墨悉以辟繼取給云

張慎衍妻錢氏

安吉州志慎衍死家貧甚子福慶甫襁褓氏矢志不二後為子娶養媳凌

氏年方十四時值飢饉母子不能自存或謀鬻其媳媳誓死不更奉侍尤謹

孝豐縣

明

吳七妻施氏

嘉靖安吉州志吳卒施年二十一自誓守節服除父母憫其早寡無子欲改嫁

之不從年七十一卒

吳祥九妻沈氏

歸有光沈節婦傳歸吳時年十六聞歲祥九病劇婦割股以進不瘳祥九

死婦每哭輒死復生比葬哭泣如初殯時久之父母謀奪其志即引刀截髮自誓居三日忽晨起出

戶走數里之祥九墓山深無人多虎狼獨居塚間哭不絕聲舅姑從求得之乃相謂曰始謂婦少年

難守故計今他適今其志如此殆不可強因為置後遂安之祥九與其弟有分婦獨取田數畝才足

自贍曰叔子衆吾不可以多取舅姑死喪之六年如禮蓋年十八而寡至七十二而終

沈能女

嘉靖安吉州志京軍沈能之女生營中名阿治母死父鞠之攜歸原籍許施澄未嫁時年

二十三父當復營不以女行又不以歸施女請于父不應明日復請父曰吾三年當復歸以汝贅壻女曰兒豈謂此顧家無主者異時萬一罹謗兒雖死父且疑之不如今日引決以潔吾身入厨舉刃自刎妹奪之復以手扶其喉而死

高季六妻吳氏

孝豐縣志年二十四而寡矢志不二繼姑欲嫁之婦慟哭抱石將自沈姑

止之以貞烈聞

王氏二節

孝豐縣志楊氏王萬妻年二十三夫亡守節足跡不踰戶外一子希賢早世婦章氏

誓奉姑守志楊曰汝年方丈奈何以我累汝不如
早嫁章泣曰姑所伏惟一媳媳去姑復誰托不如
同死為一處鬼姑媳抱持而哭楊
卒章勉襄喪事畢哀毀踰月而卒

許積妻朱氏

孝豐縣志年十九夫亡家貧遺腹子六月氏誓死不嫁姑病割股救之隆慶年

旌表

許鳴周妻濮陽氏

孝豐縣志年二十一夫亡有羅姓者聘之氏即斷髮截指抱棺嘔血

竟不能強姑疾篤割股療之即愈
子嘉謨課訓成立至七十七歲卒

章文煒妻吳氏

孝豐縣志年十九而寡翁姑勸其嫁氏咬指斷髮誓死不從後侍孀姑竭

力定省撫繼子盡義方
自始至終足不出廬

王元旭妻郎氏

孝豐縣志夫卒時年十七遺腹生女不舉撫前妻章氏二子一女長子志

容娶諸氏生二子容亦早世氏與媳苦志撫字先後四十餘年如一日

施之華妻吳氏

孝豐縣志夫亡父母因氏年艾勸令改適氏截髮斷指未幾扼吭而死

章雲祺妻潘氏

孝豐縣志夫亡氏年二十欲赴火以殉姑勸乃止未終制傷悼不已絕粒

終而

梅禮妻王氏

邢智妻夏氏

萬平妻吳氏

王尚禮妻吳氏

王庭妻邵氏

吳棟妻徐氏

吳楫妻嚴氏

董可賢妻高氏

王元幹妻沈氏

王學智妻柏氏 章歷元妻郎氏 王元溥妻李氏

許昌福妻嚴氏 郎文化妻吳氏 王紹中妻諸氏

國朝

章氏二節

題旌冊章函履妻楊氏結褵四載夫亡撫孤鏞長亦娶楊氏生一子而鏞又亡姑媳

雙寡撫孤成立康熙五十九年具題奉旨建坊旌表

倪日將妻潘氏

題旌冊年二十七夫亡葬時欲自殉孤雛牽裾而泣乃止家業貧窘甘旨

奉親而已則忍饑常終日不食教子讀書食餼于庠守節四十五年

諸亢宗妻吳氏

題旌冊年二十八夫亡以頭觸柱流血被面幾至氣絕叔姑救甦遂毀容

守制舅姑未葬雖有伯叔氏肩為已任竭誠盡禮撫育遺孤咸有義方守節二十五年以上三氏

俱雍正十一年具題奉

旨建坊旌表

王應蓮妻郎氏

題旌冊年二十九夫亡子甫二齡姑

右姑卒喪葬盡禮子稍長教之曰吾聞寡婦之子非有見焉弗與為友能為人所友斯善矣子受教

奮勵能自立守節四十九年雍正十二年具題奉

旨建坊旌表

許貞女

孝豐縣志許有為女幼字陳國是未嫁夫亡氏年十四聞訃欲往母有難色即引刀自決


母始從之既往弔姑勸之歸氏不可易服守制預營塋室誓以終身繼姪為後弗克嗣家愈落以女

紅自給子立五十餘年以節終順治間知縣李憲為立石表墓

諸貞女

孝豐縣志諸元聲女受許昌爵聘未婚而夫亡父母方別議氏偵得之遂抵夫家至柩前

卒哭易服守制父母駭愕往迓之氏以死訣曰兒不得事父母矣飲水茹菽竟以節終



浙江通志卷二百七